



3rd edition

6th edition p. 14

51 planches

Geym. 312

My de John
congratulations to the pl

100

1

1112

LIVRE
D'ARCHITECTURE
de Jacques Androuet,
du Cerceau.

*AVQUEL SONT CONTENUES DI-
VERSES ORDONNANCES DE PLANTS ET
élevations de bastiments pour Seigneurs, Gentilshommes, & autres
qui voudront bastir aux champs: mesmes en aucuns d'iceux sont
desseignez les basses courts, avec leurs commoditez particulieres:
aussi les iardinages & vergiers.*

TRES-VTILE ET NECESSAIRE A CEVX
qui veulent bastir, à ce qu'ils soient instruits, & cognoissent
les frais & la despenſe qu'il y conuient faire.

A PARIS
Pour Jacques Androuet, du Cerceau.

M. DC. XV.



AV ROY.



IRE, estant vostre Majesté à Montargis, ie receus ce bien de vostre accoustumee benignité & clemence, de me prester l'oreille à vous discourir de plusieurs bastiments excellents de vostre Royaume : Et entre autres propos me demandates si ie paracheuois les liures des bastiments de France : Mon aage & indisposition seruirent de legitime excuse, n'ayant moyen, sans vostre liberalité, de me transporter sur les lieux, afin d'en prendre les desseings pour après les mettre en lumiere, & satisfaire à vos commandements. La volonté ne m'est en rien diminuee, mais l'effect & le moyen manquent, sans l'aide de vostre Majesté. Ce pendant desirant vous donner quelque plaisir & contentement, i'ay employé le seiour de mes vieux ans à dresse vn liure d'instruction à toutes personnes qui voudront bastir & edifier maisons aux champs, selon leurs moyens & facultez : pour leur monstrier, non seulement l'ordre qu'ils auront à tenir selon les desseings, & plants contenus audit liure, mais encor pour les instruire de la despense & frais qu'il leur conuiendra faire, ayant de chacun bastiment fait le calcul au plus iuste qu'il m'a esté possible, tant du toisage de la maçonnerie & charpenterie, que generally de toute autre besongne : esperant (outre le plaisir que vostre Majesté prendra à la diuersité de tels desseings) que vos subjets en receuront instruction & profit. Suppliant tres-humblement icelle vostre Majesté, d'auoir pour agreable ce mien labeur que ie vous dedie & consacre, Attendant que par vostre moyen ie puisse visiter les chasteaux & excellents bastiments qui restent à estre par moy veus & imprimez, pour satisfaire au contentement de vos Royales vertus.

*De vostre Majesté le tres-obeissant & tres-affectionné
seruiteur, I A Q V E S A N D R O V E T,
D V C E R C E A V.*

AV LECTEUR.

AVANT que faire particuliere declaration de chacun bastiment, il m'a semblé estre necessaire faire entendre à ceux qui desireront sçavoir la totale somme de la despense des logis qu'on voudra faire edifier, tant pour la maçonnerie, charpenterie, pavé ou carrelage des planchers, menuiserie, ferrurerie, & couverture: Bref à quoy peut monter l'entiere despense d'un edifice, pour le rendre accompli & parfait. Consideré que si ce n'est aux grandes & bonnes villes, il est fort malaisé de recouvrer des ouvrier experts & capables, pour rendre raison & certitude de ce que dessus. Car aux lieux où il se trouve maîtres suffisans pour entreprendre l'œuvre, le Seigneur n'a que faire sinon que de fournir argent à l'entrepreneur, pour rendre l'edifice en sa perfection. Pour donc soulager ceux qui n'ont tels moyens, & aussi pour satisfaire à la priere qui m'a esté faicte par aucuns Seigneurs, & autres mes amis, on trouvera cy apres reglement & instruction pour cognoistre & iuger d'icelle totale despense, à fin que chacun mesure ses moyens, & n'entreprene plus qu'il ne peut effectuer, par ce que souvent aduient que les frais estans plus grands qu'on ne pensoit, le bastiment demeure imparfait, la bourse vuide, & le maître deceu de son esperance. Celuy sera releué de ceste peine, si meurement & soigneusement il se regle & conduit par ceste mienne instruction qui ensuit.

Table des choses qu'il faut entendre.

Du pied royal.	De la brique.
De la toise.	Du quarré.
De l'arpent.	De la tuile.
De la chaux.	De l'ardoise.
Du sable.	De la latte volisse.
Du moillon, ou blocage.	De la latte quarrée.
Du caillou.	De la contre-latte.
De la pierre de quartier.	Du clou.

Le pied royal, duquel la iuste mesure est marquée au Chastelet de Paris, contient douze poulces de long, & en sa superficie quarrée, cent quarante & quatre poulces.

Le pied cube contient douze fois cent quarante & quatre, reuenants à mil sept cents vingt & huit poulces massif.

La toise quarrée contient six pieds de long, & six de large en sa superficie, qui montent trente & six pieds.

La toise cube contient six fois trente & six pieds, reuenants à deux cens seize pieds massif, qui sert pour le calcul de la vuidange des terres massives.

La perche, mesure du Chastelet de Paris, a trois toises de long, qui valent dixhuit pieds, faisant en sa superficie quarrée trois cents vingt & quatre pieds, qui valent neuf toises quarrées. Aucuns nomment la perche corde.

L'arpent mesure de la Viconté & Preuosté de Paris, contient dix perches de long, & dix perches de large, qui font cent perches quarrées, l'arpent reuenant à neuf cens toises.

Es lieux circonuoisins de la Viconté & Preuosté de Paris, la perche ou corde contient vingt pieds de long, & vingt pieds de large, qui multipliez par soy, font quatre cents pieds, qui valent vnze toises quatre pieds quarrées, reuenant l'arpent à vnze cents

Liure d'architecture

vnze toises quatre pieds : excédant celuy de France de deux cents vnze toises quatre pieds, qui est cer arpent duquel tous les bastiments de ce liure sont mesurez.

En autres endroits, comme en la Beausse, la perche contient vingt & deux pieds de long, & vingt & deux pieds de large, qui multipliez, font quatre cents quatre vingts quatre pieds quarrez, reuenant la perche à treize toises seize pieds quarrez, & l'arpent à treize cents quarante & quatre toises seize pieds.

Par les susdites mesures, & selon la perche du lieu, on peut sçauoir au vray le contenu de l'aire du logis, pourpris d'iceluy, ses iardinages, & terres qui en dépendent, aussi la quantité des voidanges pour caues, fosses à priuez, fosses de l'enceinte du logis, & cognoistre la quantité des toises eubes, comme dit est cy dessus.

Le tonneau de chaux contient deux poinçons.

Les trois poinçons font deux muids, reuenant à vn tonneau & demy.

Mais par ce que la chaux qui est faite de pierre dure est la meilleure, faisant & rendant beaucoup plus de besongne que celle qui est faite de pierre tendre, & qu'elle souffre que l'on y mesle d'auantage de sablon qu'à la dernière: Considéré aussi qu'il y a du sablon qui amaigrit & vse de chaux plus l'un que l'autre, comme celuy de riuicre, qui est plus ardent que celuy de sablonière: A ceste cause il est tres-necessaire que le maçon y ait grande consideration: & principalement à bien faire mesler ensemble ladite chaux & sablon: & nonobstant telles diuersitez, ie n'ay laissé d'aualluer au plus près du vray, combien il peut entrer desdites matieres en chacune des toises de maçonnerie cy dessous specifiees. Le moyen le plus ordinaire pour assembler lesdites matieres est par tombereaux, lesquels toutefois ne sont par-tout égaux, ains tiennent plus ou moins, selon principalement qu'ils vont près ou loing querir lesdites matieres, & aussi selō la force des cheuaux qui les tirent. Ce neâtmoins ie n'ay laissé semblablement de faire vn estat de la quantité qu'il en faudroit pour les epeisseurs de chacune des toises de maçonnerie qui ensuiuent, & ce par les plus petits, & ceux qui tiennēt le moins.

Pour faire vne toise de mur d'un pied & demi d'epeisseur, faut la tierce partie d'un poinçon de chaux, trois tombereaux de sablon, & cinq tombereaux de moillon, ou blocage.

Pour la toise de mur de deux pieds d'epeisseur, faut vn demi poinçon de chaux, peu moins, avec quatre tombereaux de sable, & sept de moillon, ou blocage, peu moins.

Pour la toise de mur de trois pieds d'epeisseur, faut les deux tiers d'un poinçon de chaux, avec six tombereaux de sable, & dix tombereaux de moillon ou blocage.

Pour la toise de mur d'une toise d'epeisseur, faut vn poinçon & vn tiers de chaux, douze tombereaux de sable, & vingt tombereaux de moillon, ou blocage.

Sachant le prix de la chaux, sable, & moillon, on peut facilement iuger à combien reuient la toise selon son epeisseur, y comprenant les iournees des maçons & aides.

Et est à noter, que toute muraille faite de caillou au lieu de blocage, doit estre plus epeisse, par ce que le caillou ne se lie si bien du commencement avec la chaux, à cause de sa rotondité, que fait le moillon: & ayant son epeisseur suffisante, la maçonnerie en est fort bonne & durable.

Pour faire vne toise quarree de maçonnerie, dont la face de deuant soit de pierre de taille, le derriere estant garni de moillon, faut quarante & huit pieds de pierre, à sçauoir quatre pierres à chacune assise, chacune desquelles aura deux pieds de long: deux d'icelles seront en face, les deux autres en bouttices entre-deux pour faire la liaison du mur, lesdites pierres estans d'un pied de hauteur: il y aura six assises à la toise, qui feront les quarante huit pieds cy dessus.

Pour faire vne toise de maçonnerie de pierre de taille parpeine de deux pieds d'epeisseur, comme quelquesfois il est necessaire, & principalement aux tremaux, il faut soixante & douze pieds de pierre à la toise.

Pour faire vne toise de mur de brique, d'un pied d'epeisseur, ayant la brique huit poulces

Pour les champs.

4

poulces de long, quatre poulces de large, & deux poulces d'épessueur, il faut vingt & deux briques & demie, compris le mortier, reuenât la toise à huit cens dix briques.

Pour vne autre muraille de brique de huit poulces d'épessueur, estât la brique de la longueur, largeur, & épessueur que dessus, faut quinze briques au pied, qui est pour la toise cinq cens quarante briques, compris les ioings.

Si vous voulez faire vne muraille de grosse épessueur, route de brique, vous reduirez icelle au prorata, & à la raison que dessus est dit.

Pour faire le paué des salles, chambres, & garderobbes, de quarrreaux de quatre poulces en quarré, faut neuf quarrreaux pour le pied, & trois cens vingt & quatre pour la toise.

La tuile n'est par-tout de mesme longueur & largeur, mais la plus ordinaire a neuf poulces & demy de long, & six poulces de large: le millier d'icelle fera trois toises de couuerture, & celle du grand qualibre de Paris fera cinq toises.

Pour employer & fournir vn millier de tuile ordinaire, faut vn cent & demy de latte quarrée, mais quand la tuile est grande, il y entre moins de latte à la toise, par ce qu'il ne faut l'atter si près à près qu'à la tuile ordinaire.

A chacune latte quarrée, faut cinq cloux pour le moins.

Le millier d'ardoise d'Angers, fait quatre toises & demie de couuerture.

Au millier d'ardoise, faut vn cent & demy de latte volisse.

A chacune latte volisse, faut dix cloux pour l'estroite, mais la latte estant large, y en faut quinze.

Au millier d'ardoise, faut de dix à douze toises de contre-latte.

A chacune ardoise, faut deux cloux, & quelquefois trois.

L'ardoise de Mesieres n'est pas si large, ne si belle que celle d'Angers, mais elle est plus épaisse, & en faut dauantage pour la toise.

Les declarations contenuës cy dessus, seruent pour instruire ceux qui n'ont pas cognoissance de telles matieres, pour iuger combien, & quelle quantité il en faut pour le bastiment qu'ils veulent faire: Mais par les aduertissemens contenus cy dessus, leur sera facile & aisé de compter sur les desseings & portraicts à peu près, la despenſe qu'il conuiendra faire pour les matieres necessaires.

Auant qu'entrer en despenſe pour bastir, est tres-necessaire de dresser & arrester le plan & desseing de l'edifice, pour entendre les commoditez du dedans, tant du premier, qu'autres estages de dessus, aussi la symmetrie par le dehors, afin que le bastimēt estant parfait, le maistre & Seigneur d'iceluy n'ait regret à la despenſe par luy faite: par ce que souuent est aduenü, que pour n'auoir obserué les symmetries, mesures, veües, & ordonnances necessaires, au lieu d'en receuoir contentement, on eust voulu le bastiment estre par terre.

Or ayant bien & meurement arreſté le plan & desseing, il sera facile de mesurer & toiser toute la maçonnerie du bastiment, & ſçauoir le nombre des toises, & à combien en reuiendra la toise, pour la pierre de taille, moillon, chaux, brique, & autres matieres, avec la façon, compris les enduits, & le prix de la toise arreſté, sera aisé de cognoistre les nombres des toises du total de la maçonnerie: Et si les croisees, portes, lucarnes ne sont comprises à la mesme raison de la toise, en ferez marché separé, suivant lequel iugerez la despenſe à part, & après adiousterez le tout ensemblement.

Pour le regard des cheminées, on en fait aussi couſtumièrément marché à part, selon les ordonnances & enrichissemens d'icelles: car aucuns en veulent auoir de riches, autres se contentent d'une besongne plaine, ne considerant que les manteaux, faillies, iambages, languettes, thuyaux, & leurs hauteurs: mais quant aux enrichissemens qu'on veut y estre faits, cela passe la cognoissance de ceux qui les commandent, voire bien souuent de ceux qui l'entreprennent: Et est besoin considerer le tout par le menu, afin que celuy qui met la main à la bourse, & l'autre qui est entre-

Liure d'architecture

preneur, ne soient abusez. Car bien souuent tel maistre entreprendra vne ordonnance de cheminee à cent escus de façon, & vn autre ne la voudra faire à moins de deux cens escus, & aduendra toutefois que le maistre de la maison aura meilleur marché de celle de deux cens escus, pour l'excellence de l'ouurage, que l'autre qui n'en couste que la moitié, estant la besongne de l'ouurier expert bien faite, avec science & art, & l'autre mal faite avec ignorance.

Quant au paué & quarrelage des salles, chambres, & garderobbes, il sera aisé, par ce qu'auons dit cy dessus, de sçauoir à combien monte la toise : & faut seulement mesurer les superficies de chacun membre, & en faire vn nombre & somme totale.

Pour les autres pauez des offices, si vous voulez qu'ils soient de grais, ou de pierre dure, faut sçauoir qu'en vaut la toise sur le lieu, pour estimer le nombre, & faire somme totale dudit paué.

Sera besoin, pour sçauoir que coustera la charpenterie, de dresser vn estat, ou memoire du nombre des trauees, tant des estages que des combles : Assauoir combien à chacun estage y a de trauees, la quantité des soliuies de chacune trauee, le nombre des poutres, la longueur & épaisseur d'icelles, sommer le prix qu'elles auront cousté, ferez le semblable de chacune trauee, regardant le prix de chacun solieu, & faire somme de la trauee, & autre somme de toutes les trauees de l'edifice. Pour les combles, faut aussi voir le nombre des trauees, chevrons, & garniture de chacune d'icelles, valant telle somme : Et de toutes lesdites trauees ferez somme totale : Et semblablement de tout le bois de charpenterie. Faut aussi regarder separément que coustera la façon de chacune chose à part, tant des trauees que des combles, & que le tout soit bien déclaré, pour apres faire marché total, ou separément, si bon vous semble. Obseruant cet ordre, cognoistrez ce que coustera toute ladite charpenterie.

Pour le regard des couuertures, soit tuile, ou ardoise, vous verrez aisément sur le plan & desseing la quantité & nombre des toises. Et par ce que cy dessus a esté déclaré le moyen de sçauoir que coustera chacune toise, soit l'vn ou l'autre, vous calculerez le total selon sa valeur & prix.

Pour la menuiserie, si vous voulez fournir le bois, donnez ordre qu'il soit sec de deux ou de trois ans pour le moins, auant que le mettre en ceuvre. Vous ferez marché pour les façons separément, tant pour la croisee de telle sorte, selon la façon que la voudrez, que semblablement pour les huis d'assemblages, & huis forts : & du tout ferez somme totale.

Pour la ferrurerie, vous sçaurés du maistre ferrurier que coustera la serrure de chacune croisee au grád chassís à six guichets, & de deux chassís à quatre guichets, & selon le prix, & le nombre desdites croisees, arresterez le nombre total : ferez le semblable de chacune huisserie garnie de serrure, pommelles, courreaux, crampons, & selon le prix de l'vne, arresterez le total. Aussi compterez le nombre des verges pour les panneaux des vitres des croisees : sachant le prix de l'vne, arresterez le total desdites verges, & par les susdites sommes en arresterez vne totale pour le fait de la ferrurerie.

Pour les vitres, vous sçaurez combien on vend le pied de verre de France, & combien celuy de Lorraine, qui n'est pas si beau ne si cher, & choisirez lequel vous voulez auoir : considererez apres combien de pieds contiendra chaque panneau, combien il y a de panneaux à la croisee, & mettez le tout par memoire, & de tout le nombre desdits pieds ou panneaux, faites somme totale.

Finablement faites de toutes les sommes arrestees, vne totale, & par là verrez la despesse de vostre bastiment, & mesurez vos moyens pour n'entrer en frais plus grands que ne pouuez porter.

Ce desseing

I.



Le dessein demonstre vn lieu enclos d'as vn quarré paralelograme, de cinquante & cinq toises de largeur, & de vingt & cinq de profondeur (qui sont treize cents soixante & quinze toises en superficie, qui valent cinq quartiers de terre, moins vne corde, ou enuiron) auquel à la ligne du milieu sur le derriere est la maison du Seigneur, ayant sa court sur le deuant du logis. Du costé fenestre d'icelle est vn iardin, & du costé dextre est la basse court.

Ce lieu est fermé de murailles portans tallut dans les fosses, & es quatre coings d'iceluy, y a quatre defences battans au long des courtines, dont celle du costé du deuât de la basse court sert de colombier, lequel par bas a vne petite allée voultee, éluee de six à sept pieds de haut. Au milieu & centre du rez de terre d'iceluy est vn pillier, sur lequel sera portee ladite voultte, faisant sa circonference tant à l'entour d'iceluy, que sur les murailles du colombier. Icelle allée pourra auoir sept ou huit pieds de large, & seruira non seulement pour batteries au long des courtines, mais aussi de laiterie: au dessus icelle sera le colombier.

L'entree du lieu est iustement au milieu de la courtine sur le deuant, où est assis le pont-leuis, dont d'iceluy on vient à vne place en maniere de petite court, à laquelle à dextre & à fenestre sont deux petits corps de logis, à chacun desquels est chambre basse, garderobbe, & greniers dessus. Celuy du costé du iardin seruira pour suruenâts, se bon semble, l'autre pour le metayer, ayant son fournil avec sa commodité. D'icelle place on va à la basse court par le costé dextre, ayant sa grange & pressoir, & vne petite estable entre deux. Du costé dextre de l'entree sont estables, dont l'vne sera pour cheuaux, & les autres pour bestail.

De la susdite place il faut monter quatre ou cinq degrez à la court du Seigneur, laquelle a quinze toises de large, & huit de profondeur. Icelle n'est fermee du costé de l'entree, & de la basse court, que d'vne muraille d'appuy de trois pieds de haut, le logis du Seigneur ayant son regard sur icelle pour y decourrir.

À l'entree du logis du Seigneur est vn perron rond, auquel on monte des deux costez à vne gallerie faite en demie circonference, de laquelle on entre es membres & commoditez du logis. Par bas sur le rez de terre dans la place oualle, qui est entre les deux montees de l'escalier, se peut élouer vne fontaine, & y est ce lieu fort propre, voire si le Seigneur a aupres de luy quelque source, & qu'il y vueille faire la despence.

La forme de ce bastimēt sont deux pauillons, & vn petit corps de logis entre iceux, dans lequel est au milieu vne petite allée seruant de passage, de laquelle on va à vne petite terrasse estant entre les deux pauillons sur le derriere. Par le milieu d'icelle l'on descend des deux costez à vne autre terrasse basse estant sur le fossé. Et d'icelle on va à vn terraut en forme ronde plantee d'aulnes, ayant vne table de pierre ou d'ardoise au milieu, & ce lieu ne sert que de beauté, estât iceluy circui de fossé en circoference.

Les deux pauillons sont élueez de deux estages au dessus du perron, & leur galleras dessus. Au dessous du perron sont les offices, ausquelles faudra descendre du rez de terre de trois ou quatre pieds, & icelles s'accómoderont selon le dessein du plan. Au petit corps de logis du milieu, qui est entre iceux pauillons, est l'escalier, avec quelques cabinets, dont le passage susdit est entre deux. D'iceluy escalier on descendra à couuert aux offices, & qui voudra à descouuert par le perron.

Le iardin est au costé fenestre du logis du Seigneur, lequel a vingt toises de largeur, & vingt & cinq en profondeur, le tout enclos dans la place, comme dit est.

La closture des courtines & petits forts, (à prendre trois toises du pied du fondement iusques au dessus de l'appuy ou parapet, & pour le colombier, à prendre du fondement iusques à son entablement huit toises, comprenant aussi le tallut regnant du logis du Seigneur du costé du fossé) reuient à cinq cents quatre vingts toises.

Liure d'architecture

Toute la maçonnerie de la basse court, avec les éléuations des clostures regnantes au tour le lieu de dix à vnz pieds de haut au dessus des tallurs, & les deux petits corps de logis (hors mis les contrescarpes, qui regnent entour le fossé par le dehors, & dont ie ne fay mention, & aussi qu'il n'est besoin y faire la despençe) reuient à six cents soixante & dix toises.

Toute la maçonnerie du logis du Seigneur (à compter du pied du fondement iufques à son entablement, sept toises & demie, rabatant le mur, du tallur, du costé du fossé ja compté) reuient à six cents trente toises.

Les voultres des offices & caues, reuiennent à soixante & quinze toises.

Pour le regard du paué des offices, il ne faudra pauer que la cuisine, dont ie n'en fay point de calcul.

Le carrelage des trois estages, reuient à cent cinquante toises.

A chacû estage y a quatoize croisees, qui sont vingt & huit pour les deux: toutefois ce ne serôit que fenestres sans mesneau: les chassis y posez serôit les croisees de panneaux.

Dixsept petites lucarnes, & dixsept petites veuës en glacis, pour l'estage des offices & caues.

La couuerture du logis du Seigneur reuient à sept vingts toises.

La couuerture de tout le logis de la basse court reuient à deux cents trente toises.


A chacun estage il y a deux cheminees, vne à chacune chambre, & point aux garderobbes, qui sont six pour les trois estages, & vne à l'estage des offices.

Il y aura en tout le logis du Seigneur quarante huisseries ou enuiron, & quinze grandes que petites à la basse court.

Il y a à chacun estage six trauees, & deux poutres, sans les petites du petit corps du milieu, & les combles.

Les trois petits paillions des coings seruent de defense, & se couuriront de pierre de taille, en forme pyramidale, comme apparoit par le desscing de l'éléuation.

II.

 E dessin demonstre vne masse de bastiment d'aïsez legere ordonnance, n'ayât qu'un estage manable, lequel est éléué du rez de terre de cinq à six pieds: & dessous se pourra faire quelques caues, ou celiers, côme le premier plan le figure: la court sera sur le deuant, & le iardin sur le derriere.

Le contenu de la court & bastiment, non comprins le iardin, a de largeur vingt & deux toises, sur vingt & trois de profondeur, qui sont en superficie cinq cens six toises, qui valent demi arpent, moins quatre toises & demie, ou enuiron.

De la court on montera quatre ou cinq pieds pour venir à vne terrasse fermee de trois costez de bastimēt, & sur le deuât de la court, d'un appuy de trois pieds de haut. D'icelle terrasse faut derechef monter quelques deux pieds pour entrer par deux coings es comoditez d'iceluy estage, lesquelles sont vne salle, vn cabinet, & vn serrenappe. Du costé dextre d'icelle salle est vne chambre avec sa garderobbe, cabinet & priué: de l'autre costé fenestre, est vne cuisine, le gardemanger, l'escalier, vne chambre, sa garderobbe, & vn cabinet. Au dessus sont galleras, ou greniers.

Des deux costez du bastiment, sont deux allees pour passer de la court au iardin, fermees du costé d'icelle par deux portes, au dessus desquelles aussi sur vne partie des allees, sont prins deux cabinets, vn de chacun costé, qui sont ceux dont nous auons par cy deuant dit, qui seruent pour les chambres.

Dans la court, du costé de l'entree à dextre & à fenestre, sont deux petits corps d'hostel de legere ordonnance: l'un pour seruir à escuries, l'autre pour vne petite chambre & garderobbe.

Pareillement es deux costez de la court, tant à dextre qu'à fenestre, se plâteront six arbres, qui seront douze pour les deux costez, & feront monstre comme deux petites terra-

Pour les champs.

6

terraces respondantes du grand corps aux deux petits sur le deuant, & se pourront icelles terraces éleuer du rez de la court d'un demy pied, & les pauer de pierre, & seront couuertes des fucilles des arbres: vous verrez comme il est desseigné par le plan du rez de chaufsee de la court, qui suit apres le fueillet de son élévation.

Toute la maçonnerie de ce bastiment (à prendre du pied du fondement iusques au dessus de l'entablement quatre toises & demie, non comprins les murs des clostures, ains seulement les deux petits pavillons ioignans le corps) reuient à quatre cents cinquante toises.

La maçonnerie de la closture de toute la court iusques au iardin, & des deux petits corps sur le deuant, reuient à sept vingt dix toises.

Le carrelage de l'estage & du galletas, ou greniers, reuient à six vingt dix toises.

La couuerture de tout le bastiment, avec les deux cabinets couuerts en dosme, reuient à sept vingts six toises.

Il y a vnze croisees avec neuf, que demies que bastardes.

Plus quinze trauees tant grandes que petites, & ne sont les garderobbes comptees que pour vne: mais la salle pour quatre: plus les combles à l'aduenant.


Il n'y a en tout ce bastiment que quatre cheminees, vne pour la salle, deux aux deux chambres, & vne à la cuisine, qui n'en voudroit faire au galletas pour seruir de chambres en lieu de greniers.

Plus vingt huisseries.

La couuerture des deux petits corps de deuant, reuient à cinquante toises.

Plus vne cheminée à l'un des petits corps, avec quatre huisseries, & six petites fenestres, & quatre petites lucarnes.

III.

 E dessein demonstre vne closture ou pourpris, dans lequel est assis vn logis seigneurial, & sur le derriere d'iceluy vn iardin, & au deuant vne basse court: laquelle, comprins ses commoditez, a trente cinq toises de large, & vingt de profondeur, qui font sept cens toises en superficie. Le logis seigneurial contient, tant en la court qu'aux bastimens, vnze toises de large, & quatorze de profondeur, qui font sept vingts quatorze toises en superficie. Le iardin a trente & quatre toises de large, & dixsept de profondeur, qui font cinq cens soixante & dixhuiet toises plaines, qui est en tout quatorze cens trente & deux toises, qui valent cinq quartiers, & quatre cordes de terre, quelque peu moins.

A l'entour de la closture regne vn terraut d'vnze pieds de large, excepté qu'es deux costez du logis du Seigneur sont deux places plus grandes, l'une à dextre, l'autre à senestre: dans lesquelles se pourront pratiquer deux petits forts d'arbres de cyprez, ou de lauriers: au milieu d'iceux quelque table, pour tousiours rédre le lieu plus agreable & plaisant. Il faut aller en ces deux places par la court du Seigneur. Tout le terraut regnant entour le clos est fermé d'un fossé de trois ou quatre toises, selon la volonté du Seigneur.

L'entree du logis est par la basse court, à laquelle est le pont leuis. A dextre & senestre d'icelle sont logis, tant pour le metayer, que pour les suruenants, avec escuries & estables pour le bestail: & sur le derriere d'icelle, tant d'un costé que d'autre, sont pareillemét deux corps de logis, l'un pour seruir de grâge, l'autre de pressoir & foulerie.

De l'entree on passe au trauers de la basse court pour aller au logis seigneurial, par vne allée pauce, ou bien plâtee d'ormes d'un costé & d'autre. Au deuant duquel est vne petite court ou lon monte deux ou trois degrez pour y venir de la basse court. Et d'icelle faut derechef mōter à vne petite terrasse quatre degrez, en laquelle est vn perro, par lequel on monte derechef pour aller es commoditez du logis seigneurial, lequel est composé d'un corps de logis de douze toises de longueur, avec deux autres petits

Liure d'architecture

pauillons, l'un à dextre, l'autre à fenestre de la terrasse.

Les commoditez du logis seigneurial sont d'un escaillier au milieu : & d'un costé d'iceluy est vne salle, & de l'autre vne chambre & vn cabinet. Les deux petits corps ioignants, sont deux garderobbes, l'une pour la commodité de la salle, l'autre pour le seruice de la chambre. Au dessous de ces membres, principalement sous le grand corps, sont caues, esquelles on descend des deux costez par la court du Seigneur, comme apparroist par le dessein de l'éléuation. Au dessus de la salle, chambre, & garderobbe, sont galletas de pareilles commoditez.

Es deux coings du grād corps du costé du iardin, sont cōme deux petits pauillōs, lesquels seruiron t à chacun estage de petits cabinets : & qui ne voudra les faire seruir des le bas, il se pourra faire sous chacū vne arcade voultée fort plaissante sur le iardin.

Toute la maçonnerie de la basse court (tant des clostures, lesquelles auront deux toises de haut du rez de terre, & trois pieds de fondation, que tous les bastimēts compris en icelle, excepté le logis seigneurial) reuient à quatre cens cinquante toises.

Le logis seigneurial, prenant du pied de sa fondation iusques à l'entablement, cinq toises de hauteur, tant pour les offices & caues, que pour l'estage de dessus, que aussi pour ce qui est éléué pour le galletas, le tout reuient à trois cens soixante toises.

La closture du iardin, à prendre deux toises du pied du fondement iusques à son éléuation, reuient à deux cens trente toises.

La couuerture de tous les bastimens de la basse court, reuient à deux cens toises.

La couuerture de tout le logis seigneurial, reuient à cent quinze toises.

Les voultres, tant des offices que des petites caues, reuiennent à soixante toises.

Le carrelage de deux estages du logis seigneurial, reuiēt à cent toises, non cōprins les offices, d'autāt que ce qui est pour offices se doit pauer, ou faire de gros quarréau.

Le carrelage de la maison du metayer, & la maison semblable, assise à l'opposite d'icelle, qui sera pour les suruenants, reuient à vingt & deux toises.

Il y a au logis du Seigneur douze cheminees, & deux à la basse court.

Il y a huit croisees au grand corps, & quatre demies aux deux petits. Pareillement huit lucarnes au galletas, & quatre demies, sans les petites fenestres, tant pour le iour des offices, que des deux petits pauillons.

Il y a huit trauees au logis du Seigneur, & autant au galletas, faits en combles, & trois poultrēs, sans les petites trauees des petits pauillons.

En la basse court, es deux logis, six trauees, & autant aux greniers en comble, & deux poultrēs, vne à chacun costé.

Il y a vingt & deux huyz en tous les estages du logis seigneurial.

En la basse court, il y en a douze, sans la grande porte de deuant, & aussi quelques petits aux estables.

IIII.

Ce dessein represente vne place fermee de tous costez de fossez, laquelle a soixante & dix toises de largeur, & vingt de profondeur, qui est en nombre quatorze cens toises de superficie, qui sont cinq quartiers vne corde, ou enuiron, non compris les faillies des petits pauillons des coings. Du costé fenestre d'icelle place, est la basse court avec ses commoditez, & du costé dextre, est le logis seigneurial. Entre icelles courts y a vn fossé, ayant vn pont au milieu, pour seruir de passage de l'une à l'autre.

En cestedit place y a deux entrees, l'une à la court du Seigneur, l'autre à la basse court, & à chacune vn pont leuis.

Ladite basse court a quarante toises de large, & vingt de profondeur, dans laquelle sont cōprins les bastimēs y necessaires, lesquels sont assis sur le derriere, en face & veuē de l'entree. Au milieu est la grāge, aux deux costez de laquelle sur le deuant sont deux

Pour les champs.

7

deux estables, l'une à dextre, l'autre à fenestre, éluees seulement de sept à huit pieds.

Par le dehors d'icelle sont deux allées, l'une à dextre, l'autre à fenestre, pour du rez de la court veoir le fossé au dessus les appuis : ou bien qui voudroit pratiquer l'une d'icelle en descète par dessous le tallut, moyénant vn arc, par lequel on feroit boire le bestail, y gardât toute fois quelque ordre de defense, pour empêcher l'entree à ceux qui y voudroient nuire. Es deux costez, & outre les allées sont deux corps de logis, l'un seruant pour retirer vn metayer, ou laboureur, avec estables pour cheuaux, l'autre seruira à estables pour bestail.

En icelles sont deux petits escalliers suspendus pour aller aux greniers.

Es deux coings d'icelle basse court, par le dehors sont deux éléuations : celle de deuant seruira de colombier, au bas duquel se fera vne voulte éluee de sept à huit pieds. Et en icelle place sera la laitterie, de laquelle on descourra le long des fossez. A l'autre coing sera parcelllement en saillie vn petit fort de sept pieds dans œuvre seulement, & couuert en forme pyramidale, dont la pointe finira au coing de la closture, duquel fort on descourra aussi le long des fossez.

La court du Seigneur a vingt toises en quarré : sur le costé dextre d'icelle est le logis du Seigneur, ayant vne terrasse de deux toises de large, ou enuiron. Ioinant iceluy, il faut monter de la court à icelle terrasse par vn perron estant assis au milieu, duquel on peut monter des deux costez. Aux deux bouts d'icelle terrasse y a deux petits pavillons de chacun costé, seruans pour le grand corps de montée & priué.

Le grand corps de logis est accommodé de membres desseignez sur le plan. Es coings d'iceluy par le dehors, sont deux pavillons inégaux, seruans tant pour commoditez à chacun estage, que pour descourir le long des fossez.

Au premier estage citât à rez de terre de la court, se pourroient faire les offices, & les accommoder suiuant & côme ie le vous ay desseigné de l'autre part, avec la terre dont cy dessus auons parlé : & faut que la terrasse soit éluee de la hauteur des voultés des offices, qui sera de neuf à dix pieds de haut. Au dessous d'icelle terrasse sera vne gallerie à arcades, & voultée comme ie l'ay figurée à l'éléuation faite de la face de la court.

L'estage qui est au dessus, au rez de la terrasse sur la gallerie, ce seront les commoditez desseignées sur le plan figuré avec la basse court. Au dessus seront galletas accommodés de tels membres que l'estage de dessous. Les pavillons estans es coings, seront élueez d'un estage plus que le grand corps, pour seruir aux galletas d'iceluy, & aussi pour donner beauté au lieu.

Le fossé sur lequel seront assis les deux ponts où sont les entrees, est élargy en demie circonference, pour tousiours donner plus de grauité au fossé.

Le iardin (estant sur le derriere) tient tout le contenu de la longueur de la place, qui est soixante & douze toises en quarré, avec la saillie des pavillons, dans lequel en maniere de croix, & es enuiron, sont allées plantées d'arbres, avec espalliers separans & rendans le iardin en quatre parties. Aufquelles se peuuent, si bon semble, faire parquets tous égaux, ou bien les diuersifier d'ordonnances, & enrichir comme lon aduifera, dont s'en pourra trouuer de diuerses sortes par vn liure que n'aguere i'ay mis en lumiere. Encor que i'aye clos & fermé par mes desseings le iardin de fossez, & murailles en tallut, tant du costé du iardin, que par le dehors du fossé : neantmoins si bon semble, ledit iardin se peut fermer de haye, & aussi que ie n'en fay nul calcul ne compte au toisage.

Toute la closture du lieu, assauoir des talluts élueez depuis les fonds des murailles iusques au cordon, de deux toises & demie de haut, le tout reuiet à quatre cens cinquante toises, non compté la contrescarpe, laquelle se peut fermer de haye, ou la laisser sans closture, qui seroit le meilleur.

Toute la maçonnerie, tant de la basse court que de ses clostures, ayant deux toises de haut, reuiet à cinq cens quatre vingts dix toises.

Liure d'architecture

Toute la maçonnerie du corps de logis du Seigneur, & de la closture de sa court, avec le pont séparant les deux tours, reuient à sept cens toises.

Les voultres des offices, reuiennent à huiët vingts dix toises.

Le carrelage de tous les membres du logis du Seigneur, reuient à deux cens toises, non compté celuy des offices, lequel se pourra pauer principalement à l'endroit de la cuisine.

La couuerture de tout le logis du Seigneur, reuient à neuf vingts dix toises.

La couuerture de toute la basse court, reuient à trois cens cinquante toises.

Il y a huit cheminees en tout le logis du Seigneur, & deux au logis de la basse court.

Plus dix croisees au logis du Seigneur, avec dix lucarnes au galletas, & quatorze petites fenestres simples pour les pauillons, & autres places.

Plus douze trauees au logis du Seigneur, tant grandes que petites, & quatre poultries: douze autres trauees pour les combles.

Il faut trente huisseries au logis du Seigneur.

A la basse court faut quinze petites fenestres, & autant de petits iours pour les greniers.

Plus à ladite basse court, enuiron trente huisseries.

V.



Ce bastiment est vn petit logis, ayant vne court sur le deuât, vn iardin derriere, & deux petits iardins à fruiëts à dextre & à fenestre d'iceluy. Tout le contenu du lieu reuient à trois cens soixante & quatre toises de superficie, qui font vn tiers d'arpent de terre, moins demie corde, ou enuiron.

L'entree de ce lieu est par vne court au deuant du logis, laquelle a seulement cinq toises en profondeur, & huiët & demie de largeur.

Le corps de logis consiste en vn estage, & le galletas dessus, accompagné de quatre petits pauillons saillans es coings: chacun d'iceux a deux estages, & vn petit galletas dessus.

Les commoditez du logis sont, vne salle de vingt pieds de large, sur six toises deux pieds de long: es angles d'icelle, sont quatre petits pauillons, lesquels entrent dedans ledit corps de logis, qui font & rendent en partie la salle quarrée comme vne chambre: & des deux costez d'icelle, ce sont deux arcs, vn de chacun costé, vultez en parquets, qui donnent beaurté à la salle par le moyen de ces renfondremens. Dans chacun d'iceux arcs se fera vne croisee, en sorte que le iour se trouuera dedas ladite salle ou chambre des quatre costez. La place du lit se mettra contre l'vne des croisees, ioingnât la cheminee, laquelle sera fermée de menuiserie, & seruira pour vn petit cabinet, cōme il est figuré sur le plan, & ira en iceluy cabinet, entre la cheminee & le liët.

Faut entendre que les deuant & derriere d'icelle salle ou chambre sont pareils, & qui voudra, d'vne mesme symmetrie. Semblablement les renfondremens du costé dextre & fenestre d'icelle salle seront pareils. Sous la profondeur d'iceux renfondremens, qui est de sept pieds à chacun, y a deux passages, vn de chacun costé, pour aller es commoditez des pauillons: dont l'vn seruira de montee, & d'vn priuë derriere: l'autre opposite, de cabinet: les deux autres, de garderobbes.

Au second estage de ladite salle ou chambre, seront galletas: mais les estages des pauillons serōt encor à plancher, à cause qu'iceux sont eleuez plus haut que le corps du milieu: & mesme qu'au dessus du second estage d'iceux, sera encor vn galletas, auquel on ira par vn petit escallier pratiqué à leur deuxiesme estage en dedans, cōme il est dessaigné sur le plan de l'vn.

Ce lieu est garni d'vne petite escurie pour quatre cheuaux, avec vne petite court & vne petite place à serrer les harnois, & coucher les valets, & ce du costé dextre de la court: l'autre costé opposite, à fenestre, est vn fournil ayant pareille petite court & place

place que la fufdite. Outre ladite court à dextre & à feneftre, font deux autres petites places pour s'en feruir à chofes qui fe trouueront y eſtre neceſſaires.

Du rez de la court on monte trois degrez, pour aller en vne petite terrace eſtant entre les deux faillies des deux pauillons de deuant, & ioignât le corps de logis: dont d'icelle terrace on entre par l'un des coſtez à vne cuiſine, & de l'autre coſté oppoſite, à l'eſcallier, auquel eſt vn paſſage pour aller à l'un des petits iardins, & de là, au grand iardin.

Pour aller à l'autre petit iardin, faut paſſer par la petite place, eſtant du coſté de l'eſcurie.

Es deux coſtez du grand iardin, vers l'entree, entre les faillies des petits pauillons, font deux berceaux de galleries figurez au deſſein, dont l'entree dudit iardin ſe trouue ſous l'une d'icelles.

Tout le contenu de la maçonnerie, tant du logis que des cloſtures & membres y enclos, reuient à quatre cens quatre vingts toiſes.

Le carrelage de tout le logis, reuient à quatre vingts dix toiſes.

Il y a neuf cheminees pour tout.

Il y a cinq croiſees avec huit demies pour les quatre petits pauillons, & cinq lucarnes pour le galletas du corps du milieu, & quatre petites pour les quatre petits pauillons.

La couuerture du logis du Seigneur, reuient à cent dix toiſes.

La couuerture de l'eſcurie, du fournil & des petites places, reuient à ſoixante & dix toiſes.

Il y a neuf trauees au logis du Seigneur, tant grandes que petites, avec deux poultres. Plus neuf trauees aux cobles, ſans les deux petits combles prochains de l'eſcurie, & du fournil.

Il y a, tant au logis du Seigneur qu'à la baſſe court, trente huisseries, ou enuiron.

VI.



Le baſtiment eſt aſſis en vne place d'un quarré imparfait de vingt & quatre toiſes de largeur, ſur ſeize de profondeur. La place ainſi que le plan ſe cõporte, reuient à trois cents quatre vingts quatre toiſes en ſuperficie, qui ſont quelque tiers d'arpent de terre, & vne corde ou enuiron, non compris les foſſez circuiſants en tous les angles, le deſſein du plan.

Le principal de ce baſtiment, eſt vn corps de logis, aſſis ſur le derriere de la court, accõpagné de deux petits corps aux bouts d'iceluy, l'un à dextre, l'autre à feneftre, figurez en pauillons, à chacun deſquels eſt ioignant vne petite gallerie à arcades par bas, & en terrace deſſus: par leſquelles du grãd corps on vient à deux autres petits pauillons eſtans ſur le deuât de la court, aſſis de coing en coing, & entre leſquels y a vne petite gallerie par bas, allant de l'un à l'autre, & au deſſus vne terrace, & faiſant cloſture de la court ſur le deuant.

Le milieu d'icelle eſt deſſeigné en demie circonference, en laquelle eſt l'entree du lieu, avec ſon pontleuis. Iceux deux pauillons ſont garnis de cõmoditez deſſeignes ſur le plan. Deſſous le grand corps, & pareillement au premier eſtage des deux petits pauillons, des deux coſtez y ſeront les offices neceſſaires. Au haut de la terrace eſt le rez du premier eſtage du grand corps, auquel ſont eleuez deux eſtages, & le galletas deſſus. Quant aux deux petits corps du rez d'icelle terrace, il n'y a qu'une eſtage, & le galletas deſſus.

Le premier eſtage deſſeigné à l'elevation, ſert à l'eſtage des offices, cõme dit eſt cy deſſus, lequel reſpond à la hauteur de la terrace. Dans iceux petits corps ſont cõprins les eſcalliers du grand corps, comme le deſſein de l'elevation le monſtre.

Chacun eſtage d'iceluy grãd corps eſt accommodé, aſſauoir par le coſté dextre, de

Liure d'architecture

falle & garderobbe, & le petit corps ioignant, de chambre, garderobbe, & escallier. A l'autre costé fenestre est vne antichambre, sa garderobbe & chambre. Et au petit corps ioignant, vne arriere chambre, & garderobbe, avec l'escallier. Sur le milieu d'iceluy grand corps est vn renfondrement d'vne demie circonference imparfaite, au milieu de laquelle est vneallee pour passer à vn petit corps oual, auquel est vn escallier regnant en tous les estages, à la cime duquel est vn dosme doublement eleué pour auoir le regard de tous costez.

Du rez de la court, est vne terrasse regnante entour le logis par le dehors, de sept pieds & demy de large, commençant desdits deux costez del'escallier oual, & finissant aux deux petits pauillons qui sont sur le deuant. Icelle terrasse est assise sur le talut du fossé.

Toute la maçonnerie de ce bastiment (comprins les talluts, tant du dedans de la contrescarpe, que de tous les corps) reuiet à seize cens quatre vingts toises.

Les voultres des offices de dessous le grand corps, & des deux petits, reuiennent à cent cinquante toises.

Le carrelage de tous les estages du bastiment (excepté les offices, lesquelles se pauiroient de pierre) reuiet à trois cens vingt toises.

La couuerture de tout le logis, reuiet à deux cens trente toises.

En tous les estages y a dixsept cheminees.

Au grand corps, à chacun estage y a six croisees, qui sont douze pour les deux estages, & deux pour les petits corps, & autant de lucarnes au dessus, avec dix fenestres bastardes, & douze iours descendans es offices.

Plus en tout le logis vingt & six trauees, & quatorze poultres, grandes que petites, sans les combles.

Plus en tout le logis cinquante huisseries.

VII.



Le dessein represente vn corps de logis assis dans vn carré parallelogramme de vingt toises en largeur, & quinze en profondeur, qui font trois cens toises de superficie, qui valent vn quartier d'arpent de terre, & deux cordes, vn peu moins.

Celieu est fermé es quatre costez de courtines; aux quatre coings sont quatre forts en forme ronde, le tout enclos d'eau.

Les courtines, & les talluts, avec les forts, se feront de terre sans autre matiere, en donnant bon empattement aux talluts. Pour le regard du parapel, qui sera sur les talluts, il sera bon de laisser rasseoir les terraues, & les talluts estans faits à leur hauteur, quelque demy an, pour affaïsser la terre: & apres laisser rasseoir deux ou trois pieds de parapel, & cela assis, le laisser encor reposer deux ou trois mois: puis apres asseoir derechef vne autre assiette de parapel dessus le premier, de la hauteur que voudrez: afin que la terre se puisse plus aisément affaïsser dessus la premiere, sans se corrompre: ou bien si voulez faire vos talluts, parapel, & forts de gasons & fallines, vostre logis sera tout fermé sans grande despenſe de la maçonnerie.

Pour le regard du bastiment, c'est vne masse de trois corps de logis, liez ensemble, deux sur le deuant, & vn sur le derriere, ayant sur la face de deuant quatorze toises de largeur, & huit & demie de profondeur; chacun corps a trois estages, le premier sert d'offices & caues: il y faut descendre du rez de terre de quatre ou cinq pieds, & au dessus d'iceluy est vn autre estage en galletas.

A l'entour du logis, regne vne terrasse seruant de court, de quatorze pieds de largeur, entre le mur du logis, & le parapel.

Premierement du rez de terre pour entrer au logis, faut mōter deux ou trois pieds à vne place en forme d'vne petite court fermee de trois costez des trois corps de logis, &

Pour les champs.

9

& d'icelle mōter derechef à vne petite terrasse deux ou trois degrez, & d'icelle terrasse on entre aux palliers des montees, estans és coings de ladite terrasse : desquels palliers on va par les costez à la salle, & de la salle aux chambres, & aux cōmoditez de l'estage.

Au dessus est le galletas, accommodé de pareilles commoditez que le precedent.

Tout le bastiment (ayant cinq toises depuis la fondation iusques à l'entablement) reuient à trois cens cinquante toises.

Les voultres de l'estage bas des offices & caues, reuiēnt à soixāte & quinze toises.

Le carrelage des deux estages, avec les palliers des degrez, reuiēt à cent vingt toises.

Il y a huit cheminées aux deux estages, & vne à l'estage, des offices, qui est la cuisine.

Il y a neuf croisees, & huit demies.

Neuf lucarnes, & huit petites.

Ne faisant à la salle que trois trauees, & deux à chacune chambre, avec les deux des garderobbes, sont neuf trauees, & quatre poutres.

Autant de trauees aux galletas, toutefois en comble.

Il faut en tout le logis trente portes, ou enuiron.

La couuerture des cinq pauillons, comme le dessein de l'éléuation le monstre, reuient à huit vingts toises.

A l'entree sera vne basculle assise sur vn bon tallut de pierre, ou bien vn pont leuis, avec quelques petites fenestres aux montees, lesquelles seront couuertes en forme de dōsme, respondant toutefois sur les angles.

VIII.

CE lieu pour le regard de ses cōmoditez n'est gueres dissemblable au precedent : Estant pareillement dans vn quarré parallelograme, de vingt & quatre toises en largeur, & seize en profondeur, non compris l'épaisseur du parapet & tallut, ne pareillement la saillie des forts, qui sont trois cens quatre vingts quatre toises de superficie, qui font vn tiers d'arpent, & vne perche de terre, & quelques toises, ou enuiron, ayant quatre forts quarez és quatre coings.

Les courtines avec les forts & tallut, le tout se fera de terre, y pratiquant de petits iours ou canonnières pour batteries.

Ce dessein fait monstre d'une allée en berceau de six à sept pieds de large, de charpenterie, ou treille couuerte de vignes, ou couldroyes dessus les terraces, & ioignant les courtines : Et icelle pour donner quelque commodité ou beauté pour se pourmener l'Esté à couuert, pour la chaleur du Soleil. Les courtines & forts ne laisseront pas de demeurer en leur entier & force.

Pour le regard des pilles ioignant le pont leuis, icelles se feront de pierre en tallut, comme il est figuré au dessein de l'éléuation.

Quant à la masse du corps de logis, il y a dixsept toises de large, & neuf de profondeur, les terraux d'enuiron trois toises & demie de large, dont l'allée de treille y est comprinsē.

Les corps de ce bastiment ont deux estages, & les greniers dessus. Par bas sous la salle, seront caues, & le reste des deux costez seruira à offices. Du rez des terraux faut monter deux pieds à vne petite court, en maniere de terrasse, estant deuant la salle, de cinq toises de large sur quatre de profondeur, & d'icelle terrasse on monte par deux degrez de chacun costé, estans sur le derriere és deux angles de ladite terrasse où lon va aux escalliers, ausquels sont les entrees de la salle & des chambres.

Le premier estage est accommodé d'une salle ayant deux garderobbes, vne de chacun costé, pour la commodité d'icelle. Plus deux chambres, deux garderobbes, & deux cabinets, avec deux escalliers. Le deuxiesme estage sera de telles commoditez, & les greniers dessus.

Mais aduenāt qu'on se voulust passer de l'estage bas des offices, ne voulant faire la

Liure d'architecture

despense, on pourra faire seruir la garderobbe de l'une des chambres (laquelle a deux toises & demie de long sur deux de largeur) de cuisine, par le moyen d'un petit passage entre la salle & icelle cuisine: & ioignant l'escalier, la petite place, qui restera prochaine de l'allee, seruira de gardemanger. Toutefois voulant faire seruir l'estage bas à offices, au dessous de l'une des chambres se fera la cuisine, avec son gardemanger sous la garderobbe. Et sous l'autre chambre de l'autre costé se fera vn fournil, avec quelques commoditez. Sous la salle seront caues, toutesfois y aura vne allee de quatre pieds, voultee, regnant de la cuisine iusques au fournil, pour aller de l'un à l'autre, au milieu de laquelle sera l'entree de la caue.

Les fondements du logis seront de deux toises & demie, au dessous du premier estage eleué du rez de terre, sous lequel se prendront les caues & offices, comme cy dessus auons dit: & d'iceluy estage eleué du rez de terre, iusques à l'entablement, quatre toises & demie, qui seroit de hauteur de mur, depuis le fondement iusques à la cime, sept toises.

Toute la maçonnerie, comptant l'estage des offices & caues, reuient à six cens vingt toises.

La voulte de la caue & offices, reuient à quatre vingts dix toises.

Le carrelage, tant du premier estage du rez de terre, que le deuxiesme, & celuy des greniers, reuient à deux cens dix toises.

Les couuertures de tous les corps, couuerts en pavillons, comme le dessein de l'eleuation le monstre, reuiennent à cent quatre vingt toises.

Il y a cinq cheminées à chacun estage, & deux à celuy des offices, qui sont douze pour le tout.

Il y a à chacun estage quatre croisées, & quatorze demies, qui sont huit croisées & vingt & huit demies, pour le logis, avec seize fenestres, tant simples que souffpiraux, pour le iour de l'estage des offices & caues.

Aussi quatre lucarnes, avec quatre petits iours ou veües, qui seront faites en maniere de petites lucarnes.

Il sera bon de faire à la salle cinq trauees, ausquelles il faudroit quatre poutres, pour cause que n'en y ayât que trois, les trauees se trouueroient trop larges & foibles. Ce faisant seront treize trauees à chacun estage, & six poutres, qui seront pour les deux estages vingt & six trauees & douze poutres, & la moitié pour les combles.

Il y a en tous les estages du logis quarante huisseries, ou enuiron.

IX.



Le dessein represente vn petit lieu, ayant toutefois beaucoup de commoditez. Et premierement le logis seigneurial avec sa basse court, les iardins, tant à fruitz, que le iardin ordinaire: puis des prez & vignes avec vn estang, au bout duquel le iardin & ledit logis seigneurial sont contenus.

Pour le regard du contenu du clos, dans lequel est comprins la basse court, le iardin, & l'allee du deuant de l'entree, le tout contient quinze cens trente toises en superficie, qui valent vn arpent, quartier & demy de terre, ou enuiron.

Le logis seigneurial est, comme dit a esté, assis sur la queue de l'estang, enuironné d'eau de tous costez: il consiste d'un corps d'hostel seulement, avec quatre petits pavillons és quatre coings d'iceluy. Ce corps est accommodé d'une salle de six toises de long, sur quatre de large. Attenant icelle est vne chambre de trois toises en quarre. Des quatre petits pavillons qui sont és quatre coings, l'un de deuant sert d'escalier, l'autre d'une petite cuisine, les deux autres sur le derriere seruent à la salle, l'un à ferrer le linge & vaisselle, l'autre de garderobbe: vn chacun d'iceux a dans ceuvre deux toises deux pieds d'un costé, sur dix pieds de l'autre.

Ce corps de logis n'a qu'un estage, & le galletas dessus, auquel galletas seront les mesmes

mesmes commoditez qu'au premier estage.

Les petits paviillons excèdent en hauteur le corps de logis de quelque toise, pour en icelle hauteur gagner plus aisément les commoditez, pour servir aux membres du galletas. Et pour le regard des trois paviillons où n'est l'escalier, il se peut faire en leur deuxiesme estage, quelques petites montees contre les murs en certain endroit, de quelque deux pieds de large, pour monter de leur deuxiesme estage au troisieme qui seroient en galletas, auxquels il y auroit quelques petites commoditez pour ledit estage: ou bien ne voulant faire ausdits paviillons que deux estages, le deuxiesme se peut faire en voute lambrissée sur la charpenterie.

Au deuant d'iceluy logis est vne petite terrasse entre les deux paviillons, sur la largeur de la saillie d'iceux. Au milieu de laquelle est le pont leuis, par lequel on vient d'iceluy à vne allée fermée seulement d'un appuy, tant du costé des iardins à fruits que de l'estang, qu'aussi de la basse court, qui est de trois pieds de haut du costé de l'estang, assis toutefois sur vn mur portant tallut dedans ledit estang.

Pareillement le mur faisant closture de la basse court à l'estang, n'a que trois pieds de haut du costé d'icelle: encores que du costé de l'estang il porte sur vn tallut, comme aussi font les deux costez du iardin.

Ceste allée est à l'entree du pont par le dehors, & est trauerfante, ayant quatre toises de large sur sa longueur, au bout de laquelle, du costé de l'estang, y a vne descente par degrez ronds pour descēdre à l'eau: de l'autre costé d'icelle est l'entree à la basse court, & au bout de ladite allée entre le logis du metayer & le iardin à fruits, est vn petit iardin pour ledit metayer, ayant son logis à l'entree de ladite basse court, lequel est accompagné de son fournil, & garderobbe. Sur le costé fenestre est l'escurie & estables pour bestes. Au milieu est la grange de dix toises de long, & quatre de large. Au bout, & sur la fin de la court est vn corps de logis de pareille longueur & largeur que la maison du metayer, & ce pour respondre à la symmetrie du lieu. Iceluy corps seruira de pressoir, foulle, & vince, aupres duquel sera le colombier.

Le iardin principal a vingt & six toises en quarré: és quatre encogneures d'iceluy, quatre petites tourelles de sept à huit pieds de large, en aucunes desquelles se pourra faire quelque grotte, aux autres quelques petites gentilleses, comme fontaines, cabinets, ou ce que bon semblera. On va à iceluy iardin par la basse court, ou bien par vne petite poterne, qui est derriere le logis du Seigneur.

Sur le derriere, en la longueur du iardin de la basse court, & de l'estang, sont desseignes quelques allées prises dans des prez, outre lesquelles sont vignes.

Au deuant de l'entree du logis est vne allée droite, close de muraille de cinq toises de large sur telle longueur qu'il semblera bon, aux costez de laquelle sont deux iardins à fruits.

Toutes les murailles & clostures, tant du iardin, de la basse court, du tallut, estables, granges, que les quatre petites tours du iardin, le tout de ce reuient à sept cens toises de muraille, les vnes fortes, les autres foibles.

La maçonnerie de tout le corps de logis du Seigneur (prenant deux toises au dessous du cordon, iusques au fond) reuient à trois cens soixante toises.

Le carrelage des deux estages, avec la petite terrasse sur le deuant, reuient à cent toises.

La couuerture, tāt du corps que des quatre petits paviillons, reuiēt à cent dix toises. En tout le logis sont seulement sept cheminees.

Six croisees au grand corps.

Audit grand corps six lucarnes.

Huit fenestres bastardes aux quatre petits paviillons.

Quatre petites fenestres en lucarnes aux quatre petits paviillons.

Trois trauees pour le corps au premier estage, avec vne poultre.

Liure d'architecture

Huit petites trauees aux quatre petits pauillons.

Le comble du corps de logis.

Les combles des petits pauillons.

La couuerture des quatre petites tourelles du iardin, reuient à vingt huit toises.

La couuerture du colombier, & les deux corps de la grange, & de toutes les estables, reuient à deux cents soixante & dix toises.

Il y a quarante huisseries en tout le logis.

X.

CE bastiment est assis en vne place en forme de paralelogramé, qui est vn quarré plus long que large, & de vingt & deux toises & demie de largeur, sur vingt sept & demie de profondeur, qui fait en nombre six cents dix-huit toises & demie vn quart en superficie, qui est demi arpent cinq perches & demie de terre, ou enuiron. Ceste place est vn terraut fossoyé de rous costez, fermé d'vne haye, ayant le tallut de terre contre icelle. Es quatre coings sont quatre petits flancs pour battre le long des courtines, & hayes.

Le bastiment est composé de quatre corps de logis, la court au milieu, laquelle sert partie de basse court, & partie d'vne terrasse eleuee ioignant le corps, qui est en face de l'entree, & le logis du Seigneur. Iceluy corps a quatre toises de largeur & seize de longueur hors œuure. La court a dix toises deux pieds de largeur, & vnze & demie de profondeur, comprenant la terrasse de la court: faut monter six ou sept degrez pour monter à ladicte terrasse, de laquelle on va au logis du Seigneur.

Le corps de deuant est accômodé d'vne grange d'un costé, & de l'autre de pressoir & vince. L'entree du lieu est entre les deux, sur laquelle est eleué le colombier. Le pontleuis est assis sur deux pilles de muraille au bout du terraut, sur le deuant. Ledit terraut regne à l'entour du bastiment, ayant iceluy de largeur trois toises, & fermé de la haye sulditte.

Les deux corps de logis de la court, le dextre & fenestre sont accommodez d'escueries, avec quatre autres petites estables, lesquelles s'appliqueront pour le seruice de la basse court: plus de deux montees, vne de chacun costé, ayant chacune son priué derriere, dont d'icelles faut monter de chacun costé pour aller és greniers estants sur les estables. Au contraire faut descendre quelques degrez pour aller au priué. Le reste des deux corps ioignants aux deux bouts seruent de commoditez pour le logis du Seigneur.

Le grand corps principal est accommodé d'vne salle, d'vne garderobbe, & cabinet, avec deux chambres, deux garderobbes, & vne montee. Les deux garderobbes sont prinfes dans les corps du dextre & fenestre, comme il est cy deuant dit, iusques à l'aduancement de la terrasse, qui est de seize pieds.

Au dessus est le galletas garni de parçils membres de commoditez. De chacune garderobbe se peut prattiquer l'aisance d'un priué, faisant monter du bas vn conduit de chacun costé, iusques à la hauteur desdittes garderobbes.

J'ay fait la couuerture de tous les corps de ce logis en pignons & sans crouppe, excepté les deux garderobbes qui sont couuertes en pauillon.

Sous le logis du Seigneur, & sous les deux garderobbes se fera l'estage des offices, auquel on descendra tant par le degré du corps du Seigneur, que par les degrez de la basse court, comme i'en ay desseigné quelques vns descendants de ligne droite, lesquels continuerôt iusques au bas des offices, desquelles i'ay fait vn plan à part au dessus du desseing, auquel est comprins sous le corps du bastiment du Seigneur, la caue & deux caueaux. Ioignant l'un des caueaux à dextre fera la cuisine & son gardeman-ger: ioignant l'autre à fenestre est le fournil, avec vne place comprinsé dessous le corps de la garderobbe, pour seruir de bluterie.

Pour les champs.

II

La caue & caueaux se voultteront: mais la cuisine & fournil, avec les places prochaines ne seront point voultées, ains planchees qui voudra, & comme mesme i'en ay fait le calcul.

Tout le bastiment reuiet à cinq cents quatre vingts toises de muraille.

Les voultres des caues & caueaux à trente toises.

Le carrelage de tout le logis à cent quarante toises: non compris la terrasse, laquelle se pauera, & n'en fay point de calcul.

Sept lucarnes & six petites en ouale.

Sept croisées avec quatre demies pour le logis du Seigneur, & vingt, tant fenestres bastardes, que petites lucarnes, pour la basse court.

Dixsept trauees grandes que petites, sans les combles du galletas.

Six poultries pour les deux estages bas.

Deux cents soixante & dix toises de couuerture, compris le colombier.

Huit cheminees pour les trois estages.

Trente huisseries pour le logis du Seigneur, grandes que petites, & dix pour la basse court.

XI.



Le bastiment est assis dans vn quadrangle de trente & vne toise de largeur, sur vingt & huit de profondeur, qui font huit cents soixâte & huit toises de superficie, qui sont trois quartiers, trois cordes de terre, ou enuiron: non compris les quatre forts saillants dans le fossé de deux toises de chacun costé.

Le bastiment est construit de quatre corps de logis fermans la court, laquelle a dixhuit toises & demie de largeur, sur douze & demie de profondeur. Es quatre coings du bastiment, sont quatre tours saillantes outre le corps de deux toises, qui est le diametre du dedans de chacune d'icelles tours. A l'entour du logis est vn terraut, ou terrasse de trois toises de large, ou enuiron: sur le bord duquel est vne haye de trois ou quatre pieds de large, assise sur la scime du tallut, lequel est de terre.

Le premier corps de ce bastiment, faisant la face du deuant, est ordonné de deux paviillons, & vne gallerie entre deux. Au milieu d'icelle est l'entree. Icelle gallerie est à arcades & voultée: au dessus est vne terrasse. Chacun d'iceux paviillons (qui sont deux corps de logis) est élevé de deux estages, & le galletas dessus: au dessous par bas ce sont celiers.

Le grand corps principal est pareillement élevé de deux estages, & le galletas dessus: au dessous par bas ce sont offices.

Les deux corps estâts à dextre & à fenestre de la court, ont chacun de largeur deux toises dans œuvre seulement, éleuez du rez de la court d'un estage, & le galletas dessus: l'un seruant de gallerie planchee à arcades par le deuant sur la court: au dessus d'icelle est vne gallerie en galletas, avec lucarnes: l'autre corps opposite est de pareille largeur, & hauteur, dans lequel se peut prendre quelques commoditez necessaires pour vn logis: sous iceux deux corps n'est besoing y faire offices, ains ce seront caues.

Tous les corps dudit logis sont accommodez de membres desseignez sur le plan. Es deux angles de la court faisant l'esquierre du logis principal, & des petits logis, sont deux escalliers accommodants tant le grand logis que les petits.

Pour le regard des courtines & forts, assis es encoigneures, i'enten que ce ne soient que terraux, ne pareillemēt les forts, aux bouts desquels se peut faire vne haye forte de trois ou quatre pieds d'espeueur, laquelle estant plantee, en peu de temps les iettons d'icelle se pourront lier & entrelacer les vns dans les autres avec aide: de sorte qu'en trois ou quatre ans se fera vne haye, ou espallier aussi fort que muraille, & regnera cer

Liure d'architecture

es pallier par toutes les courtines, & à l'entour des forts : Et faut laisser éleuer la haye, ou es pallier de quatre ou cinq pieds de haut, & au trauers y faire & pratiquer quelques petites canonnières pour descourir au long des courtines. T'ay fait & déclaré ceste maniere, pour ceux qui n'ont la volonté ou pouuoir de faire les frais qu'il conuient pour faire les clostures & defences de maçonnerie.

La maçonnerie de tout ce bastiment, prenant vne toise de fondement sous les caues & offices, reuiet à dix sept cents cinquante toises.

Les vaultes sous le grand corps seruants d'offices, avec les vaultes des tours & des deux caues, reuiennent à huit vingts dix toises.

Le carrelage de tous les estages dudit logis, reuiet à quatre cés quatre vints toises.

Il y a en tout le logis vingt & six cheminees.

La couuerture, tant du grand corps que des quatre tours & des deux pavillons de deuât, & pareillement des deux petits corps des deux costez de la court, le tout reuiet à trois cents soixante & dix toises.

Au grand corps de logis de derriere, au premier estage sont treize croisees, & au deuxiesme quatorze.

Quatorze lucarnes au galletas.

Plus aux deux pavillons de deuant, à chacun premier estage, sont huit fenestres, au deuxiesme estage autant, avec deux moyennes pour les deux montees, aussi huit petites lucarnes pour leur galletas, & deux autres pour les montees.

Aussi quelque trente petites fenestres, tant és deux petits corps qu'és tours, dont aucunes sont en petites lucarnes.

Pour le regard des trauees, il y en a vnze à chacun estage du grand corps de derriere, avec cinq poultres, qui sont vingt & deux trauees & dix poultres, sans les cōbles.


Les deux pavillons sur le deuant, ont chacun deux estages sans les combles, & celiens au dessous. Et à chacun desdits estages trois trauees & vne poultre, qui est pour chacun pavillon deux poultres & six trauees: & pour les deux ensemble, quatre poultres & douze trauees.

Les deux petits corps n'auront qu'une trauee, chacune desquelles regnera depuis les pavillons de deuant iusques aux corps de derriere, & leur comble dessus.

A chacune des quatre tours y aura trois estages, à chacun d'iceux deux trauees, qui seront pour les quatre, huit trauees, avec les dosmes dessus.

Au premier estage de tous les quatre corps & tours, y aura tréte & deux huisseries, au deuxiesme, vingt & neuf, & au galletas vingt & deux, & vingt aux offices, caues, & celiens, qui seront en nombre cent trois, ou enuiron.

XII.

ESTE place est vn carré parallelograme, de vingt & deux toises de largeur, sur dix sept de profondeur, qui font trois cents soixante & quatorze toises en superficie, qui est vn tiers d'arpent & vn quart de corde ou enuiron. Es quatre coings d'icelle place, se feront quatre tours ou casemattes quarees, vaultees, saillâtes d'une toise dans le fossé. Ces tours, outre ce qu'elles redent le lieu fort, seruîrôt de beaucoup de cōmoditez pour le logis, & se pourront couvrir sur leurs vaultes de pierre ou brique large, liee en forme de dosme, pour mieux représenter force. Au milieu de la courtine de deuât sera vne bascule seruât de pôt-leuis.

Le bastiment aura trois estages: le premier est au rez de terre, lequel seruira à offices & caues. Du rez de terre on monte par vn perron des deux costez, pour aller à vn pallier ou place, laquelle sert pour l'escalier, & pour les cōmoditez de l'estage. A costé fenestre d'iceluy escalier, est la salle de vingt & quatre pieds de large sur quarante de long, accōmodee d'un grand cabinet, estant derriere l'escalier. Pareillemēt d'une garderobbe avec vn autre petit cabinet, & vne petite place prinse dās vn petit pavillon,

lon, qui est au coing du corps du logis. Sur le derriere de l'autre costé droit de l'escalier y a vne chambre de vingt & quatre pieds en quarré, avec sa garderobbe de dix huit pieds de long, & quinze pieds de large, & deux petites places pareilles aux susdittes, estants dedans l'autre paillon, qui est à l'autre coing dudit corps de logis, & pareil au precedent: esuelles places on y va de la chambre par vne petite allee, separant la garderobbe d'icelles, dont la petite pourra seruir de priué, d'autant qu'elle est prochaine de la garderobbe.

Le troisieme estage est vn galletas de pareilles commoditez, si on ne veut faire seruir la salle, de chambre & garderobbe, par le moyen de quelques cloisons.

L'escalier regnera vn estage au dessus le galletas, auquel & pareillement à la place prochaine sur le deuant, demeurera vne place qui pourra seruir à retirer les armes, ou bien en faire vne estude.

A l'entour d'iceluy logis est vne terrasse en maniere de court, de quatre toises de large ou enuiron par endroits, comme se void par le dessein du plan.

Les quatre tours, ou places quarrées, avec les courtines, ayans deux toises & demie d'éléuation de leur fondement, reuiennent à trois cens soixante & dix toises.

La maçonnerie de tout le bastiment, à compter six toises de hauteur du pied du fondement iusques au dessus de l'entablement, reuient à cinq cens trente toises.

Voulant le premier estage par tout, les vaultes reuiendront à cent toises.

Le carrelage de chacun plancher, reuient à soixante & dix toises, dont il y en a trois, à sçauoir le premier qui sert à offices, le deuxiesme & le galletas dessus, seroit pour les trois, deux cens dix toises.

La couuerture de tout le logis, avec les deux paillons de derriere, reuient à sept vingts toises.

Les cheminees, à compter deux pour le premier estage où sont les offices, quatre au deuxiesme estage, & deux au galletas, sont huit cheminees pour tout le logis.

Au premier estage où sont les offices, y a neuf fenestres bastardes, avec quatre demies. Au second estage y a dix croisees avec cinq demies. Au galletas y a neuf lucarnes & vne croisee, avec cinq petits iours, ou petites lucarnes aux paillons, avec quatre petites lucarnes au grenier.

A chacun estage y a dix huisseries, qui seront trente pour tout le logis.

Pour la charpenterie au deuxiesme estage, y a dix trauees que grandes que petites, avec trois poutres à l'estage du galletas, le grand comble en paillon, & les deux petits combles des paillons, avec la couuerture de l'éléuation d'au dessus le pallier.

XIII.



Le dessein represente vn bastimēt seigneurial, ayant sa basse court sur le deuant, & le iardin sur le derriere, fermé de fossez de tous costez. La place & le contenu, ainsi qu'elle se comporte, a trente & six toises de largeur, & cinquante & cinq de profondeur, qui sont dixneuf cens quatre vingts toises, qui valent vn arpent trois quartiers, trois cordes, quelque peu plus.

L'entree de ce lieu est par la basse court, au dessus de laquelle est le colombier. Au costé fenestre d'icelle est la maison du metayer, grange, & estables à bestail. Du costé fenestre sont écuries, pressoir, & vinee, avec autres commoditez.

De l'entree d'icelle basse court on monte comme par vn escalier droit, l'entree duquel est dessus vne caue close d'un mur d'appuy de trois pieds de haut en forme oual, & d'iceluy on vient à vne terrasse estant au deuant du logis, & contenant en longueur la largeur d'iceluy, éluee de neuf ou dix pieds de terre.

D'icelle terrasse on entre au logis seigneurial, lequel n'a qu'un estage du rez d'icelle en éléuation, & son galletas dessus. Au rez de terre de la court, iusques à la hauteur de la terrasse, se peut faire l'estage des offices & caues: de la commodité de l'estage vous le

Liure d'architecture

verrez par le dessein du plan. Outre le corps du bastiment sur le derriere du costé du iardin regne vne terrasse, de laquelle on descend de l'estage en iceluy par degrez faits en demie circonference. D'icelle terrasse on va à deux petits pavillons, estans és deux coings de la basse court assis sur le fossé, lesquels ont leur regard, tant sur la basse court, iardin, que de tous costez à l'environ. Ladite terrasse a pareil regard.

Sur le derriere de la ligne trauesante du iardin, est vn petit pavillon ouuert à piliers: le reste cognoistrez par les desseings, tant du plan du bastiment, que du plan general, qu'aussi de celuy de l'éléuation de tout le contenu.

La maçonnerie de la closture du lieu, tant de la court que du iardin (la prenant du pied du fondement iusques au dessus du chapperon du mur, qui fait la closture) a trois toises, & reuiet à six cens vingt toises, dont vne partie de la hauteur seruira pour les commoditez de la basse court.

Le reste de la maçonnerie des commoditez de la basse court, reuiet à quatre cens trente toises.

La maçonnerie tant du logis du Seigneur avec la terrasse qui regne des deux costez, qu'aussi des petits pavillons, reuiet à sept cens cinquante toises.

Le carrelage des trois estages, & celuy de la maison du metayer, reuiet à deux cents quatre vingts toises.

La couuerture du logis du Seigneur, & des trois pavillons, reuiet à deux cents dix toises.

La couuerture de toute la basse court, reuiet à trois cents soixante & dix toises.

Il y a douze croisées & deux demies.

Plus douze lucarnes & deux demies, & huit fenestres bastardes pour l'estage des offices.


Plus dix cheminees, & vne à la maison du metayer.

Plus douze poultries & vingt trauees.

Plus les combles, tant du logis du Seigneur, que ceux de la basse court.

Plus vingt cinq huisseries pour le logis du Seigneur, & dix huit pour la basse court.

XIIII.

E dessein demonstre vne masse de bastiment de seize toises & demie de largeur, sur huit de profondeur, qui est en nombre cent trente & deux toises en superficie, qui valent demi quartier de terre, il s'en faut demi-corde, quelque peu moins, non compté les faillies des pavillons estants és quatre coings.

Ce bastiment a deux estages, & le galletas dessus. Sur la masse du corps, au dessus du galletas, est vn grenier de la longueur & largeur que tient la scime du galletas.

Le premier estage est au rez de terre, & seruira à offices, & est voulté comme le plan de son dessein le demonstre. Il y a vn passage au milieu, par lequel on ira de la court qui sera sur le deuant, au iardin, qui doit estre sur le derriere. De l'un des costez d'icelle sera vne caue, de l'autre costé seront caueaux: tout le reste sont commoditez necessaires à offices, comme apparoit par ledit plan.

Le second estage est accommodé de membres manables, dont au dessus des allées, caue, & caueaux, est vne salle contenant en longueur la largeur de la masse du corps, ayant deux croisées pour veüe sur la court, & deux autres sur le iardin. Tout le reste est accommodé de membres necessaires des deux costez de ladicte salle.

L'estage du galletas sera de tels membres, que le second estage, qui est au dessus d'iceluy: Sur lequel sera vn grenier de la longueur & largeur que portera le comble dudit galletas.

Toute la maçonnerie du bastiment, ayant six toises du pied du fondement iusques au dessus de l'entablement, qui sera sept pieds & demy de fondement, compté pareillement

lement tous refans, ou entre-deux, le tout reuient à six cents toises.

Les voultres des offices reuiennent à six vingts dix toises.

Le carrelage des trois estages, sans celuy du grenier, que ie ne compte point, reuient à deux cents soixante toises.

Les couuertures, tant de toute la masse, que des pauillons aux quatre coings, ainsi qu'ils se comportent, reuiennent à deux cents quarante toises.

Au deuxiesme estage y a vingt & deux traues, & vnze poultres, tant grandes que petites.

Au galletas autant, selon l'ordre du comble, dont le grenier est prins dedans.

Il y a quatorze cheminees pour les trois estages.

Il y a au premier & second estage trente & huit croisées pour le grand corps, dont il y en a quatre fermées à demi pour les escalliers, & quatre demies pour les deux petits pauillons sur le costé de la court.

Plus dix huit lucarnes en croisées pour le grad corps, & deux petites fenestres pour les deux escalliers, & quatre demies lucarnes pour les deux pauillons du costé de la court, avec autres petites fenestres pour le grenier, lesquelles se feront de charpenterie.

Plus enuiron cinquante huisseries pour tous estages.

XV.

CE desseing monstre vne masse de bastiment fermée d'eauë de tous costez, à laquelle il n'y a point de court, excepté que du pont on entre en vne terrace, au front de laquelle est vn escallier seruant aux estages. Ce bastiment n'a qu'un estage, & le galletas dessus, si ce n'estoit qu'on voulust faire vn estage bas dans l'elevation du tallut, & le voultre, & en iceluy faire les offices & caues: toutefois ie ne l'ay specifié ne calculé. Et ne faisant point d'estage bas pour icelles offices faudroit que l'une des chambres & garderobbes, qui sont en l'un des costez, seruist de cuisine & gardemanger, & s'accommoder du reste en logis.

Tout le contenu de ce bastiment, reuient à cent quatre vingt dix toises de superficie, qui valent demi tiers d'arpent & demi corde, quelque peu moins.

Ce bastiment en son premier estage est accommodé d'une salle, ayant huit toises de longueur sur quatre de largeur. Des deux costez d'icelle sont deux petites chambres, chacune de seize pieds de long sur treize & demi de large, sçauoir est, vne de chacun costé. Plus és angles d'icelle salle, y a deux places de dix pieds de lóg sur sept pieds & demi de large, l'une pour vn cabinet, l'autre pour ferrer le linge & vaisselle d'argent. Plus és deux costez de l'escallier, sont deux chābres, l'une à dextre, l'autre à senestre d'iceluy, chacune de vingt & deux pieds & demi en carré, garnies de leurs garderobbes, de seize pieds de long sur treize pieds de large. Dôt d'un des costez se pourra faire cuisine & gardemanger, comme j'ay dit cy dessus. Et se trouueroit iceluy premier estage garni de cuisine, gardemanger, salle, garde-nappe, cabinet, trois chambres, & vne garderobbe.

Le deuxiesme estage, lequel est desseigné en galletas, sera accommodé de pareils membres. Si la volonté du Seigneur est de faire au dessus de la salle deux bonnes chambres, par le moyé de quelques cloisons, chacune d'icelles auroit quatre toises en carré, garnies de garderobbes, qui seroient prinſes dans les petites chambres susdittes, ioignant la salle, avec aussi chacune son cabinet, qui seroient les deux places estants és angles de la salle. Outre cedit estage de galletas, auroient encor les deux chambres estants aux costez de l'escallier, chacune sa garderobbe: De sorte qu'en cet estage de galletas se trouueroit quatre chambres, quatre garderobbes, & deux cabinets.

Pour le regard des greniers, & autres choses necessaires, cela se retireroit à la basse court. Et pour ce que les volontez des hommes sont diuerses, les vns voulāt auoir en leur clos toutes les choses qui leur sont necessaires: les autres d'un autre humeur, qui

Liure d'architecture

veulent auoir le lieu où ils font leur demeure exempt de toutes autres choses, & que le tout ne serue qu'à estre logeable, renuoyant le reste à la basse court. A ceste occasion i'ay voulu amener en ce present liure de toutes sortes de bastimēts pour contenter vn chacun.

Le tallut regnant au tour de ce bastiment, ayant depuis son fondement iusques au cordon seulement deux toises, reuient à huit vingts toises.

Toute la maçonnerie, reuient à trois cents cinquante toises.

Toute la couuerture, reuient à deux cents dix toises.

Le carrelage des deux estages, reuient à neuf vingts toises.

A chacun estage il y a sept cheminees, qui sont quatorze pour les deux: mais voulant faire au galletas sur la salle deux chambres, il faudra vne cheminee d'auâtage, qui seroit quinze.

Il y a au premier estage quinze trauees grandes que petites, & six poultres.


Plus les combles.

Il y a au premier estage douze croisees, avec dix fenestres bastardes.

Plus douze lucarnes au galletas, & dix petites.

Il y a pour tout le logis vingt & cinq huisseries.

XVI.

 Le bastiment est assis dans vn quarré paralelograme, de vingt & neuf toises en largeur, & treize en profondeur, qui font trois cents soixante & dixsept toises en superficie, qui valent vn riers de terre, demi corde, ou enuiro, non compris les faillies des petits forts des coings, ne la faillie de la demie circonference, qui est sur le deuant où est l'entree & pont-leuis, ni pareillement la faillie de la terrasse par l'endroit de l'escallier sur le derriere, entre les deux forts.

En ce bastiment sont trois corps de logis joints l'un à l'autre: celui de derriere est le plus grand, lequel a vingt & deux toises en longueur par le dehors, & quatre de largeur dans œuvre. Au milieu duquel est l'escallier, saillant sur le derriere dans la terrasse, laquelle regne entour le logis.

Les deux autres corps de logis ont chacun huit toises en longueur par le dehors, & trois & demie dans œuvre: Entre lesquelles, & au milieu est vne court en maniere de terrasse de huit toises & demie de long, sur la profondeur de vingt & quatre pieds.

Vn chacū d'iceux corps a deux estages, & le galletas dessus: au dessous d'iceux sont les offices accommodez comme le dessaing le figure.

Les deux estages & galletas au dessus du rez de terre, sont accommodez de membres, comme vous pourrez veoir par le plan: Toutefois si bon semble, au second estage se peut faire au dessus de la salle deux chambres, & ce par le moyen des cloisons y appliquees.

Tout le circuit, avec les quatre petits forts, ayants trois toises depuis la fondation iusques au cordon, & au dessus trois pieds d'appuy, reuiet à trois cents soixante toises.

Tout le bastiment contient (compris l'estage des offices & vne toise de fondation au dessous) huit cents quatre toises.

Les voultres des offices, reuiennent à neuf vingts toises.

Le carrelage des trois estages, reuient à trois cents trente toises, non compris l'estage des offices.

La couuerture de tous les logis, reuient à trois cents toises.

Vingt cheminees, six à chacun estage, & deux aux offices.

Cinquante quatre croisees.

Vingt & huit lucarnes.

Trente trauees que grandes que petites, & quatorze poultres.

Plus les combles reuenants aux trauees d'un estage.

Cinquante & cinq huisseries, tant pour les estages que pour les offices.

XVII.

CE bastiment est vne masse de trois corps de logis ioints ensemble, assavoir vn au milieu, & deux autres fermants & ioignants les deux bouts d'iceluy, lequel a de l'ogueur vingt & vne toise, & vingt & cinq pieds de largeur, non compris les terraces & escalliers, ioignants iceluy des deux costez. Les deux corps des bouts susdits, vn chacun d'iceux se diuise en trois, vn au milieu, & vn à chacun de ses bouts, qui le ferment, & se couuriront en pauillons: Et ont les trois ensemble dixhuit toises de long sur la largeur de cinq, hors œuure, & sans les faillies des deux costez, faites en pauillon.

Le grand corps du milieu est vne gallerie à arcades, laquelle de bout à autre se va rendre aux bastiments estants à ses deux bouts, & est icelle gallerie éluee de terre de sept ou huit pieds. Deuant & derriere icelle, sont deux terraces de deux toises de large, chacune éluee de la hauteur susdite: & pour y aller faut monter par quatre montees de degrez droitz, deux de chacun costé. Lesquels degrez se vont rendre à quatre escalliers estants és quatre angles de la gallerie, & des corps ioignants à icelle. Iceux escalliers seruans pour aller aux estages des corps susdits, & aussi à l'estage haut de la gallerie, qui est vne autre gallerie faite en galletas.

Pour le regard des logis, és bouts de la gallerie, ils excèdent en hauteur laditte gallerie d'un estage, & sont iceux corps accomplis de commoditez, comme le monstrent, tant le plan du premier estage, qui est deux ou trois pieds plus bas que le rez de terre, que le deuxiesme plan, auquel se voient les commoditez manables: avec ce le dessein de l'éléuation vous monstrera & donnera à entendre le demeurant.

La maçonnerie de tout le contenu, reuiet à dix neuf cents toises.

Les vaultes, tant de toutes les offices & caues, que de la gallerie, reuiennent à quatre cents soixante toises.

Le carrelage de tous les planchers, reuiet à six cents cinquante & vne toise.

La couuerture de tous les combles, reuiet à six cents soixante toises.

Vingt & deux croisées à chacun estage, qui sont pour les deux estages, quarante & quatre.

Douze demies croisées à chacun estage, qui sont pour les deux vingt & quatre.

Vingt & deux grandes lucarnes au galletas, douze petites, & quatorze moyennes pour la gallerie.

Vingt & huit trauees à chacun estage, qui sont cinquante & six pour les deux estages, & quatorze combles.

Plus vingt & quatre poutres pour les deux estages.

Plus la gallerie, neuf trauees de comble.

Vingt & six cheminées pour tous estages.

Quatre vingts huisseries pour tout.

XVIII.

CE bastiment est vne petite masse de quatorze toises de largeur, sur neuf de profondeur, sans la faillie du perron.

Iceluy bastiment a trois estages, & le grenier dessus.

Le premier estage est au rez de terre, lequel faudra accommoder d'un costé, d'une cuisine & gardemanger, & de l'autre costé d'un fournil: le reste seront caues, ou celiers.

Du rez de terre on montera par les deux costez du perron, lequel tient vne demie circonference: & du perron on vient à vne terrasse faisant la circonference entiere: Et d'icelle terrasse on va aux commoditez, tant de la salle, de l'escallier, qu'aux cham-

Liure d'architecture

bres estants en ce second estage.

De l'escalier, qui est entre la terrasse ronde & les logis, on môte au troisieme estage, lequel est accommodé de pareils membres que le dessous : au dessus d'iceluy est le galletas, comme nous auons dit cy deuant.

Toute la maçonnerie de ce bastiment, à prendre huit toises du fondement iusques au dessus de l'entablement, reuient à cinq cents quarante toises.

Le carrelage de tous les estages, excepté la caue, reuient à deux cents quarante toises, non compté la terrasse ronde, laquelle se pauera.

Les couuertures de tous les combles, reuiennent à sept vingts dix toises.

Il y a neuf cheminees pour tous les estages.

Plus dixsept grandes fenestres, dont les chassis feront les mesmeaux, avec six demies : toutefois de la mesme hauteur.

Plus quatre bastardes, & quatre demies pour la cuisine, le fournil, & leurs commoditez.

Plus trois grandes lucarnes & quatre petites, & les rôds du dedans des frontispices.

Plus vingt & deux trauees pour tous estages, avec dix poultries, sans les greniers ou galletas, auxquels il faudra dixtrauees, dont y en aura neuf en comble.

Plus vingt & quatre huisseries pour tous estages.

X I X.



Le dessein demonstre vn bastiment fermé de doubles clostures & canaux, ayant son iardin de toutes parts à l'environ.

Entour iceluy logis, sur les quatre costez regne vne terrasse, és quatre coings d'icelle sont quatre petits forts, le fossé circuit la terrasse de toutes parts. Outre le fossé est le iardin, lequel est pareillement fermé d'un autre fossé : iceluy iardin a de largeur soixante & seize toises, & soixante & deux de profondeur, qui font quatre mil sept cents douze toises, qui valent quatre arpents vn quartier de terre, moins vne corde, ou environ.

Ce lieu est accompagné de sa basse court, laquelle est sur le deuant, & faut passer au trauers & milieu d'icelle (pour venir au logis du Seigneur) par vne allée de neuf toises de large, separant icelle basse court en deux. A l'une, au costé dextre, y est la maison du metayer, la grange, & estables à bestail, aussi le colombier. De l'autre costé fenestre, y est le pressoir & vinee, avec estables pour cheuaux, le tout fermé & clos de canaux. A dextre & fenestre d'icelles places, sont iardins à fruits. Deuant qu'entrer à la basse court, faut passer par vne grande allée au trauers du parc de dix huit toises de large. Sur le costé du iardin, outre le grand fossé, sont prez diuisez par canaux & allées, dont celuy de derriere le iardin va respondre à vn estang, comme apparoist par le dessein du plan general.

Pour le regard du bastiment, il consiste en vne salle de quatre toises de largeur, sur huit de logeur, garnie d'un cabinet & d'une place à ferrer le linge. Icelle salle n'a qu'un estage & le galletas dessus. A chacun costé d'icelle salle y a deux chambres, chacune sa garderobbe & son priué. Au dessus est encor vn pareil estage accommodé de tels membres. Sur iceux estages est vn galletas, ou grenier.

Entre icelles chambres, de chacun costé est vne allée d'une toise de large venant de la salle, par laquelle on va à vne petite terrasse, estant en saillie du costé du bastiment. Aussi d'icelle allée on va és chambres.

De l'un des costez au premier estage, on fera seruir l'une des chambres & garderobbes à vne cuisine & gardemâger. Il s'y trouuera encor assez de membres sans y faire estages d'offices. Il faudra faire au dessous du premier estage, quelques caues & celiers. Sur le deuant & derriere de la salle, sont deux terrasses fermées des deux costez de la saillie des chambres, outre la salle. Ce bastiment est garni de deux escaliers pour la commo-

commodité des chambres.

La maçonnerie du bastiment du Seigneur, reuiet à huit cens cinquante toises.

La closture du iardin, à prendre deux toises du fondement iusques au dessus de l'appuy, (non compté la contrescarpe qui se fera de terre) reuiet à deux cens soixante & quinze toises.

Le carrelage reuiet à deux cens soixante toises.

La couuerture reuiet à deux cens quarante toises.

Dix cheminees pour les deux estages.

Vingt & vne trauee pour le premier estage, & seize pour le deuxiesme, avec douze poultries pour les deux estages.

Plus les combles.

Treize croisées au premier estage, & huit demies pour les quatre petits pauillons des coings: & au deuxiesme estage huit, & huit demies, & quatre bastardes.

Dixsept lucarnes, grandes que petites.

Plus cinquante huisseries.

Pour le regard de la basse court, ie n'en fay nul calcul, le laissant à volonté, & aussi qu'es desseings precedens en auez veu de plusieurs sortes.

XX.

CE desseing demonstre vne place de cinquante & huit toises en quarré, qui font trois mil trois cens soixante & quatre toises de superficie, reuenant à trois arpens trois perches de terre, quelque peu moins, sans la saillie des ruelins & entrees.

Pour le regard du bastiment, il est en forme d'une circonference de trente toises de diametre par le dehors: Au milieu & centre de laquelle est la cour de pareille forme de seize toises & demie de diametre, entour laquelle, dans le corps du bastiment, est vne gallerie voutee de vingt pieds de large, circuye d'escaliers du costé de dehors, lesquels ont de large dix pieds.

Entour & hors iceluy corps circulaire, sont desseignez quatre corps de logis, separez les vns des autres, qui font qu'es angles par le dehors y sont compris quatre iardins respondants aux coings de la place: chacun iardin est de douze toises en quarré.

Ces corps de logis sont eleuez de deux estages, & le galleras dessus.

Vn chacun pour son regard, fait monstre de trois corps, à cause des deux separez, faisans saillie & hauteur de deux estages, outre celuy du milieu, sur lequel au second estage sont pratiquez quelques petits iardins en maniere de terrasse.

Ceste place a ses quatre entrees aux quatre corps de logis, à chacun desquels y a deux estages & le comble dessus. Le premier sert d'entree & passage, pour aller d'iceluy par dessous vne terrasse, portee par arcs au logis: & au second estage, on y va par la terrasse d'audeffus des arcs, où sont pratiquez les petits iardins.

Par dedans le premier estage du grand corps en circonference, est la gallerie voutee: & le second estage au dessus est pareillemēt vne gallerie voutee & à fenestres, sur laquelle est vne terrasse regnant autour de la circonference, de laquelle on va aux galleras des quatre corps ioignants. Je ne vous fay point de narrer des commoditez des membres d'un chacun corps, pour autant que le desseing du plan vous donnera plainne intelligence d'icelles, lesquelles se peuuent faire pareilles, tant au second estage qu'au premier.

Pour le regard du galleras, ie n'y ay point figuré de lucarnes, ayant laissé cela à volonté, ny pareillement fait estat des offices, lesquelles se peuuent prendre & faire au bas du bastiment, dans la hauteur des talluts.

Ce desseing est plus par curiosité, que par esperance d'estre suyui: mais sous ombre de cinq ou six bastiments estranges qui sont en ce volume, cela refuillera aucuns

Liure d'architecture

esprits à en composer d'autres sortes à leur plaisir.

Les quatre raelins & courtines, ayant du pied du fondement iusques au cordon, quatre toises, reuiennent à douze cens quatre vingts toises.

Le contenu de ce bastiment, comprenant tous les corps, reuient à six mil quatre cens toises.

Le carrelage de tous les estages de tous les corps de ce bastiment, reuient à seize cens cinquante toises.

Au premier estage de tous les corps, excepté celuy en circonference, y a quarante croisées: & au deuxiesme quarante quatre, avec huit demies: & au corps en circonference, il y en a seize par le dedans sur la court, & douze par le dehors.

Plus seize lucarnes basses.


A chacun estage y a vingt & quatre cheminees, qui seroient quarante & huit pour les deux estages: & voulant accommoder le galletas de membres, faudroit y adiouster autres vingt & quatre.

Aux deux estages de tous les corps y a cent douze huisseries, ou enuiron, non compté ceux du galletas.

Il y a à chacun estage du grand corps vingt & quatre trauees, qui sont quarante & huit pour les deux estages. Le reste est voulté à cause des iardins qui sont dessus. Plus vingt & quatre trauees en comble.

Plus douze trauees aux quatre corps où sont les pont-leuis: & seront icelles trauees au deuxiesme estage, à cause que le premier sera voulté, & autât de trauees en comble.

XXI.

E bastiment est vn corps en forme de quadragle, de seize toises de largeur, sur huit, moins pied & demy de profondeur, sans les faillies du perron de deuant, & des degrez en demie circonference par le derriere, estant composé de trois corps ioints ensemble, à scauoir deux opposites l'un de l'autre, & le troisieme au milieu enfermé d'iceux. Lesquels sont en maniere de deux pavillons ayans vn chacun quatre estages, & celuy du milieu en a seulement trois.

Le premier estage de ce bastiment, est deux ou trois pieds plus bas que le rez de terre de la court: & auquel on descend de dessous le perron, qui est sur le deuant par le milieu: Et seruira iceluy estage pour offices, desquelles on montera par le perron à descouuert, ou bien à couuert par les deux escalliers, estans es deux costez figurez au plan.

Du rez de la court faut monter sept ou huit pieds par ledit perron, pour venir à vne terrasse estant deuant la salle. Et entre les deux escalliers, desquels on va à la salle de chacun costé par les palliers desdits escalliers. En ce corps de logis du milieu est la salle, & au dessus d'icelle n'y a que le galletas, auquel se peut faire telle salle qu'au dessous: ou bien la separant par cloisons y faire chambre, garderobbe, cabinet, & passage.

Les deux autres corps estans en forme de pavillons des deux costez, ont à chacun de leur estage, chambre, & garderobbe, avec l'escallier, & au dessus est le galletas.

Sur le derriere du logis y a vne terrasse de la mesme façon que celle de deuât, estant aussi à mesme niveau, seruant pour aller des chambres au iardin par vn perron en forme ronde, estant au milieu de ladite terrasse.

J'ay fait icy quelques ordonnances de bastimens legers, sans leurs forts ne basses courts: d'autant que plusieurs voulans bastir, ne veulent pas changer ne toucher à leur basse court, se contentants de quelque petit logis seulement, ayâs leur basse court en leur metayrie: qui est la cause que ie vous en ay desseigné en ce volume de cinq ou six sortes differentes, pour vous en seruir selon qu'il vous semblera bon.

Toute la maçonnerie de ce bastiment, reuient à cinq cens quatre vingts dix toises. Les voultres des offices, reuiennent à quatre vingts dix toises.

Il suffira, quant à l'estage des offices, de pauer seulement la cuisine, gardemanger, & quelque autre place: Le reste seruira pour commoditez de caues & celiers.

Quarante toises de pauer fera le tour pour lesdittes offices.

Le pauer des deux terraces, assauoir de celle de deuant, & celle de derriere, reuient chacune à sept toises, qui sont quatorze pour les deux.

Le carrelage de tous les estages, reuient à cent quatre vingts dix toises.

La couuerture de tout le logis, reuient à cent soixante & dix toises.

Il y a neuf cheminees en tout le logis.

Aux deux estages d'audessus les offices, il y a vingt & deux croisees, & huit demies.

Plus au galletasynze lucarnes, avec treize petites, pour les petits garniers d'audessus.


Plus vnze petits iours pour les offices.

A chacune estage y a neuf trauees, & quatre poutres, qui sont dixhuit trauees & huit poutres, pour les deux estages d'audessus.

Plus les offices & les combles des galletas.

Pour tous les estages, trente & cinq huisseries.

XXII.

 E desseing represente vn corps de bastiment de vingt & vne toise & demie de longueur, sur cinq de large hors œuure, qui font cent sept toises & demie en superficie.

Ce corps contiét trois estages: le premier au rez de terre est dedié à offices, le quel ie desseigne voulté sur son plan: Toutefois il se pourra faire à plancher si bon semble. Au deuxiesme sera vne salle, deux châbres, garderobbes, cabinets, & autres places, ainsi que le deuxiesme plan le demonstre. Le troisieme estage estant en galletas se fera de pareilles commoditez que le deuxiesme, sinon qu'au dessus de la salle se pourra faire vne chambre, accompagnée de garderobbe & cabinet, & ce par le moyen de cloisons seulement.

La couuerture de tout ce corps n'est qu'un gros pauillon, au milieu duquel, & sur le dessus de la salle, se couuriront les aduancements d'icelle, qui sortent des deux costez, en deux demies circonférences, lesquelles se fermeront dedans la couuerture du grand corps, comme les desseings des éléuations, tant de la face de deuant, que de la face de derriere le monstrent.

Toute la maçonnerie de ce bastiment, reuient à six cents toises.

Les voultés du premier estage, reuient à cent dix toises.

Le carrelage des trois planchers, reuient à deux cents trente toises.

Toute la couuerture reuient à deux cents vingt toises.

Il y a quatorze cheminees pour tous les trois estages.


Il y a tréte & six croisees pour les deux premiers estages, & quatorze lucarnes pour l'estage du galletas, avec deux croisees, & quatre demies, estants és demies circonférences d'iceluy.

Il y a quinze trauees, grandes que petites, & quatre poutres au deuxiesme estage.

Plus les combles du galletas reuenant au x trauees d'un estage.

Il y a pour tous les estages, quarante huisseries, ou enuiron.

XXIII.

 E desseing represente vn corps de bastimét de vingt & six toises & demie en longueur, sur quatre toises & demie de profondeur hors œuure, & non compris les saillies des deux pauillons des bouts, ne de celuy du milieu.

Le premier estage est ordonné à offices, le quel il faut voulté, & faut descendre en iceluy du rez de terre, de quelque sept ou huit pieds, tant par le grand escallier, estât au milieu du corps, que par les deux petites motees figurees & prinles

Liure d'architecture

es deux pavillons des deux bouts. Par le dessein du plan se cognoissent les commoditez en iceluy pratiquées.

Touts les derniers estages de ce bastimēt, tant du corps de logis, que des pavillons sont voultrez: Au moyen que l'enten la couuerture d'iceluy en terrasse, comme il se void par l'éléuation au dessus du plan. Quant aux commoditez d'iceluy, elles se remarquent aisément par ledit plan.

Il y a trois estages, le premier celuy des offices, qui est en partie dans terre, puis l'estage principal: & au dessus d'iceluy vn autre petit estage bastard. Les pavillons ont vn estage d'avantage.

Toignant les pavillons des deux bouts, sont desseignez quelques commencemens de galleries, lesquelles on peut faire regner des deux costez iusques au corps sur le devant, dont ie n'en fay icy nulle mention: & la court se trouueroit au milieu, fermee de tous costez.

La hauteur & largeur d'icelles galleries, sont marquées à l'éléuation des pavillons des deux bouts au premier dessein, où la se void & cognoist, tant la premiere galerie par bas, qu'une pratiquée au dessus, reuenant icelle au niueau de l'estage d'en haut, prins au dessous des voultres, & au dessus du plancher de la salle.

L'éléuation figuree au haut, demonstre la face du corps par le dehors du costé des iardins. A la seime de l'escalier se peut faire quelque petit dosme quarré, assis sur la voulte, comme vous voyez que le dessein le monstre.

Toute la maçonnerie de ce corps, reuiet à huit cents toises.

Les voultres, tant des offices, que celles d'au dessus, reuiennent à deux cents cinquante toises.

Le carrelage des deux planchers, reuiet à huit vingts dix toises.

Le terraut des offices, avec les terraces, reuiennent à pareil nombre de huit vingts dix toises.

Il faut pauer celuy des offices, & couvrir les terraces de bonne pierre platte, à joints recouverts.

La couuerture du petit dosme, reuiet à neuf toises.

Il faut pour l'estage d'au dessus les offices, douze fenestres, lesquelles ne porteront point de trauers, ni de mesneau. Ils sont seulement de quatre pieds de large sur leur hauteur: les chassis de bois y appliquez feront les mesneaux & trauers.

Il faut dix huit petites fenestres rondes, prinſes au dessous des croisées, desquelles le iour s'escoullera en glassis aux commoditez des offices.

Plus enuiron quarante fenestres bastardes, que quarrées, tant pour le haut des pavillons, que pour les corps d'entre iceux.

Il y a enuiron trente huisseries.

Plus quinze cheminees.

Il n'y aura qu'un estage, à plâcher, auquel il faudra douze trauees & cinq poutres.

XXIIII.



ESTE place qui est vn parallelogame, est de quinze toises en largeur, sur dix en profondeur, qui font cent cinquante toises en superficie.

En icelle place est assis vn corps de logis ayant trois estages: vne grande partie du dessus celuy des offices est en terrasse, montant par perrons de l'une à l'autre, comme il se void au dessein. Les deux autres estages sont employez à membres necessaires pour la commodité du logis.

En premier lieu donc faut môter de la court, (dôt ie ne fay mention) par degrez en demie circôference, en vne terrasse éleuee du rez de terre de quelque quatre ou cinq pieds, ayât seulement deux toises deux pieds de large, sur la lōgueur de sept toises deux pieds. Aux deux costez d'icelle à dextre & fenestre, faut monter huit ou neuf degrez, pour

Pour les champs.

17

pour aller aux deux terraux estants sur les deux bouts, és costez desquels on entre par deffous des arcs à vne autre terrasse eleuee au dessus de la premiere, & faisant face à ladicte premiere d'un mur eleué, ayant en iceluy trois fenestres bastardes, pour donner iour à vne grotte, estant prinse entre les offices & caues contenus au premier estage du rez de terre.

Icelle terrasse est ioignant vne gallerie de cinq arceaux de face, & fermee par les deux bouts de deux autres arceaux, vn de chacun costé, pareils à ceux de la face de deuant. Sur le deuant d'icelle terrasse est vn appuy de trois pieds de haut, se ioignant la terrasse & la gallerie ensemble, & sont toutes deux d'une mesme longueur: de sorte qu'on se peut pourmener à descouuert sur la terrasse, ou bien à couuert en la gallerie, laquelle est au mesme niveau que ladicte terrasse.

Sur le derriere de la gallerie, est le corps de logis où sont les membres necessaires, comme l'escallier qui est au milieu, & qui a son entree principale par le milieu de la gallerie. Au costé dextre de l'escallier est la salle, de l'autre costé est la chambre, & garderobbe, avec les deux cabinets portez sur le deuant, comme est figuré, tant au plan qu'en l'eleuation.

Sus la gallerie susdite à arcades, qui est au deuant du grand corps de derriere à l'estage d'au dessus, y a vne autre gallerie à croisees à niveau du troisieme estage. D'iceluy grand corps, ou d'icelle gallerie, & pareillement des chambres dudit estage, on entre aux cabinets susdits.

Du rez de terre de la court, sous les deux terraces, y a deux passages, vn de chacun costé, tant pour aller aux offices estants sous le grand corps de logis, que sous la gallerie estant au deuant d'iceluy.

Au dessus du troisieme estage des deux costez de l'escallier, sont deux belles places, dont l'une peut seruir de garde-meuble, & l'autre d'une armurerie.

Toute la maçonnerie de ce lieu ainsi desseigné, reuiert à six cents trente toises.

Il y a en tout ce lieu sept cheminees, trois à chacun estage, qui sont six pour les deux estages eleuez sur les terraces, & vne à la cuisine des offices. Le reste de l'estage seruira à gardemanger & à caues, comme on le voudra accommoder.

Il y a pour tout le carrelage des estages, neuf vingts dix toises.

La couuerture de tout le lieu, reuiert à cent soixante toises.

Il y a quinze croisees.

Plus dix demies croisees.

Plus huit fenestres bastardes.

Quatre petites lucarnes.

Il y a dix traues, avec six poutres pour le grand corps, sans les combles, avec les deux petites traues aux deux faillies des deux costez, où sont comprins les cabinets, lesquels sont couuerts en petits dosmes. A l'entour d'iceux est vne petite gallerie de pied & demi de large, en forme d'appuy, laquelle regne pareillement au long de la gallerie, sur le deuant.

Au premier plancher de la gallerie, fera vne traue de sa longueur, & au dernier estage d'au dessus ce sera vn comble.

Il y aura en tout le logis vingt & deux huisseries, ou enuiron.

XXV.



Le desseing est en forme de parallelograme, de dixsept toises de largeur, sur sept & demie de profondeur, sans les faillies des quatre petits pavillons des angles, qui sont six vingts sept toises & demie en superficie.

Le grand corps a deux estages, & le galletas dessus. Les quatre petits pavillons ont chacun trois estages, & vn petit galletas dessus. Le premier plan seruira à offices & autres commoditez, pour aufquelles aller faudra descendre du rez de la

Liure d'architecture

court, de trois ou quatre pieds, & mōter du rez de terre par vn perron (figuré des deux costez) cinq ou six pieds pour aller à descouuert au deuxiesme estage, comme apparroist par le deuxiesme plan. Du premier estage bas, lon montera pareillement à couuert au second par le grand escallier.

Le premier estage desseigne vn passage, ou allee pour passer de la court au iardin, qui sera derriere le logis: & à costé fenestre d'icelle allee, est vne caue, à laquelle on va par vn passage desseigné sur le premier plan, estants ladicte caue & allee sous la salle. Tout le reste sont membres de commoditez, comme il apparroist par les plans.

Es quatre coings du grand corps, sont quatre petits pavillons seruants de garde-robbes, desquels on va par les deux costez de l'un à l'autre, par le moyen de deux petites allées ioignantes le grand corps. Au milieu de chacune d'icelles est vn priué, comme les desseings des plans le demonstrent.

L'un des desseings de ces éléuations monstre la face du deuant, respondant à la court: l'autre éléuation au dessus, monstre la face du costé.

Le n'ay point fait de desseing pour la basse court & iardin à ce bastimēt, par ce qu'es autres cy deuant i'en ay desseigné de plusieurs sortes, desquelles on peut prendre & faccommoder, selon que bon semblera.

Toute la maçonnerie de ce bastiment, à prendre vne toise de fondement sous l'estage des offices, & à compter du pied du fondement iusques à l'entablement, six toises & demie: d'auantage vne toise d'éléuation aux petits pavillons, au dessus de l'entablement du grand corps, le tout reuient à sept cents soixante & dix toises.

Le carrelage des trois estages, reuient à trois cents quatre vingts dix toises.

La couuerture, tant du grand corps que des quatre pavillons, reuient à deux cents soixante & six toises.

A chacun estage y a quatorze trauees & cinq poutres, sans les petites des allées, & autant de trauees aux combles.

Il y aura pour tout le logis vingt & cinq cheminees.

Plus au deuxiesme estage où est la salle, y a vnze croisées, & six demies.

Au premier estage y a vnze fenestres bastardes doubles, avec six simples.

Plus douze lucarnes au galletas, avec six petits iours.

Plus aux quatre petits pavillons y a seize demies croisées, & huit fenestres bastardes, avec huit petits ouals.

Faut pour tout le logis cinquante & cinq huisseries, ou enuiron.

XXVI.



Le desseing demonstre vn corps de logis de vingt toises de longueur, sur quatre toises & vn pied de profondeur, sans les saillies des deux pavillons des bouts, qui sont quatre vingts trois toises & vn tiers.

Ce bastiment se peut fermer, tant par autres corps de bastiments appliquez es costez, qu'aussi par cloistures de murailles (comme apparroist par les attentes) & rendre vne court sur le deuant. Toutefois i'ay fait en ce present liure quelques corps de bastiments, sans aucunes circonstances, pour autant que plusieurs personnes bien souuent se contentent d'un corps, ne voulants faire d'auantage dans leur enclos: comme ici ils pourront veoir, & prendre ce que bon leur semblera.

Ce corps de logis a deux estages, & son galletas.

Le premier estage est au rez de terre de la court: & au milieu est l'entree avec vn pallier, par lequel on monte trois degrez: & de là on va par le costé dextre à vne cuisine, ayant son gardemanger derriere l'escallier. Outre la cuisine est vn fournil garni de ses commoditez. De l'autre costé de l'entree à fenestre, est la salle, avec son garde-nappe derriere ledit escallier: plus vne chābre, garderobbe, & cabinet. Et aux deux bouts du logis sur la court, sont deux petites montees des deux costez, à chacune desquel-

les

les au derriere est vn priué: Le grand escallier est au droict de l'entree.

Le deuxiesme estage sera accômodé de quatre chambres, chacune sa garderobbe, & deux cabinets pour l'estage.

Le troisieme d'audeffus, qui est le galletas, sera accômodé de pareils membres que le deuxiesme estage d'audeffous, ou bié on le fera seruir en greniers, & se passera on des cômoditez des deux premiers estages. Les deux pauillons estans sur le derriere, excéderont en hauteur le grand corps d'un estage, pour donner monstre & beauté à l'edifice.

Pour le regard des caues & celiers, il les faudra faire au dessous du premier estage, & y descendre, tant par l'escallier, que par les montees, estans és deux coings sur le costé de la court.

Toute la maçonnerie du corps, (à prendre du pied du fondement, qui sera sous les caues & celiers, iusques à l'entablement) sept toises, & vne toise & demie d'éléuation aux pauillons, au dessus de l'entablement du grand corps, tous les refans & entre-deux comptez, le tout reuiet à cinq cents quatre vingts toises.

Le carrelage de trois estages du corps, & les quatre des deux pauillons des bouts, le tout reuiet à deux cents quinze toises.

La couuerture, tant du grand corps, & des deux pauillons, que des deux petits dosmes qui sont sur les deux montees des deux bouts, le tout reuiet à cent quatre vingts & dix toises.

Il y a à chacun estage six cheminees, qui sont dix huit pour les trois estages: ou faisant greniers au lieu de galletas, seroient douze cheminees seulement.

Plus treize trauees à chacun estage, tant grandes que petites, & cinq poultries, qui serônt vingt six trauees pour les deux estages, & dix poultries. Au galletas, ou greniers, y aura treize trauees en comble.

Plus à chacun estage vnze croisées, qui sont vingt & deux pour les deux estages, avec vingt & huit fenestres, tant bastardes que petites, pour tout le corps.

Pour tout le bastiment trente huisseries.

XXVII.



Le bastiment consiste en vn lieu quarré de quarante & cinq toises sur chacun costé, qui seront en superficie, deux mil vingt cinq toises, qui font vn arpent, trois quartiers, sept perches & demie, ou enuiron: non comprins les faillies des petites galleries estants aux quatre coings.

Ceste place est vne basse court fermee d'eauë & de fossez: & au milieu d'icelle est le logis seigneurial, lequel contient en quarré douze toises de chacun costé, sans les faillies des petits pauillons des coings.

Iceluy logis est premierement élevé du rez de terre de la basse court, de trois toises, dans laquelle éléuation sont comprins deux estages: le premier sont caues & celiers, le second sont offices.

A l'entour d'icelle éléuation sont joints des bastiments és quatre costez, esquels sont contenus les commoditez necessaires d'une basse court: & ont iceux bastiments deux estages, faisans iceux estages les trois toises de hauteur ci dessus: & au dessus desdites trois toises, est vne terrasse pauee, regnante sur tous les bastiments de la basse court, laquelle seruira de court entour les quatre costez du logis du Seigneur, lequel est élevé au rez de terre d'icelle terrasse, ou court, de laquelle il peut aisément contempler, non seulement la basse court, mais aussi les fossez & enuiron: & par ce moyen defendre fort commodément les aduenues de son logis. Le plan du bastiment a sur chacune face de son quarré, vingt deux toises de long, qui reuiennent à quatre cents quatre vingts quatre toises en superficie.

Au premier plan, assauoir celuy de la basse court, sont desseignes deux allees trauersantes l'une l'autre par le milieu, & ont icelles deux toises de large, & de long, le

Liure d'architecture

diametre de tout le corps: les bouts desquelles respndent sur le milieu de chacun des costez de ce plan, qui est l'endroit d'où elles sont esclairees des quatre costez. Par icelles allees on va à couuert, aux caues, celiers, & escalliers, qui montent du rez de terre à routs les estages, tant du logis de la basse court, qu'à ceux du logis du Seigneur. Les iours des offices & caues, & d'iceux escalliers, par bas sont prins au dessous des croisees de l'estage qui est au dessus de la terrasse, lesquels couleront en glacis aufdites caues & offices.

Au premier estage du logis Seigneural, sont quatre places voultees: Les escalliers susdits sont comprins en deux d'icelles, & peuuent iceux escalliers seruir pour toutes les parties & estages de ce corps: car par iceux peut on aller aux greniers & commoditez qui sont au deuxiesme estage de la basse court: comme aussi en tous les membres du logis Seigneural, estant sur la terrasse.

Les quatre places voultees (ci dessus) sont separees les vnes des autres par le moyen des allees qui se trauesent: & pourront icelles places, en leur premier estage, seruir de caues, celiers, & buchers. Et au deuxiesme d'au dessus sont les offices, aufquelles sont comprises tous les membres y necessaires. Chacun d'iceux estages est voulté, qui seroit double voulte l'une sur l'autre.

Les bastiments qui ioignent de routs costez l'estage des caues & offices, sont appropriez à la basse court, & n'ont en exaquemét que la mesme hauteur des offices, assauoir trois toises. Ils ont pareillement deux estages l'un sur l'autre, excepté la grange, pressoir, & vinee, qui sont comprins au derriere du logis, qui ont les trois toises susdites pour leur hauteur, tellement que leur voulte doit supporter la terrasse d'au dessus. Le premier estage d'icelle basse court sera à plancher, & aura de hauteur dix pieds. Au dessus seront greniers voultez, qui regneront de tous costez, fors au costé de la grange & pressoir.

Au premier estage de la basse court, & sur le deuant y sont les logis, tant pour le metayer, que pour suruenants, avec les escuries & estables. Les deux costez à dextre & senestre sont pareillement accommodez d'autres estages pour le bestail: toutesfois ce premier estage est subjer à quelques pilliers par voyes, pour le support des faillies du logis du Seigneur.

Le logis du Seigneur est eleué en forme de donjon, au dessus de la terrasse, ayant seulement vn estage quarré, & vn autre en galletas. Chacun de ces estages consiste en vne salle, trois chambres, avec chacune sa garderobbe & cabinet, par le moyen des quatre petits pauillons, estans aux quatre coings dudit logis. Au milieu d'iceluy est vne allee pour desassubjettir, tant la salle que les chambres: & à l'entree est aussi vne allee seruant comme vestibule: & aux deux costez d'icelle, deux escalliers regnants de fond en comble. Tout le principal corps est couuert sous vn seul comble, sur le feste duquel est vne petite terrasse couuverte de plomb, avec vn petit dosine, seruant, tant d'amortissement à ladite couuerture que d'une guette, ou pour mettre vn horloge. Il y faudra monter par vne petite montee, gaignee au bout de l'escallier.

La closture de la court se peut faire de pierre, si bon semble, ou de terre, y faisant vne forte haye ou espallier, ou bien vn parappel de terre, eleué de trois ou quatre pieds. Es quatre coings se peut faire, si on veut, quatre petits forts ronds, ou quarrés de pierre, dont l'un pourra seruir de colombier: on pourra faire les autres moindres, qui seruiron à quelques comoditez, & seront pour la defence du fossé. Je ne mets en mon calcul le toilage de la maçonnerie des clostures, ni des petites faillies estants es coings. Il se peut pratiquer en quelque coing de la basse court vne mare pour le bestail.

La masse de toute la largeur des bastiments de la basse court, comprins les caues & offices, depuis le fondement iusques à la terrasse, ou court du Seigneur, qui sont les trois toises d'eleuation du rez de terre de la basse court, prenant vne toise de fondation, le tout reuiet à neuf cents vingt toises.

Les voultres, tant des allées du premier estage, & du deuxiesme, que celles de tout le contenu, le tout reuient à six cents cinquante toises.

Le corps de logis du Seigneur, ne reuient qu'à quatre cents quatre vingts toises de muraille, d'autant qu'il n'y a point de fondement à toiser, ayant esté toisé au premier toifage de la masse d'embas.

L'appuy regnant entour la terrasse, ou court du Seigneur, ayant trois pieds de haut, reuient à trente & huit toises.

Le carrelage du logis du Seigneur, & des offices, reuient à trois cents toises.

Le carrelage des deux logis de la basse court, reuient à quarante toises.

La couuerture du logis du Seigneur, reuient à neuf vingts dix toises.

Pour le regard de la couuerture des bastiments de la basse court, il n'y en a point, d'autant que le tout est couuert en terrasse, qui est la court du logis du Seigneur.

En tout le logis du Seigneur, il y a vnze cheminees, & deux aux deux logis de la basse court, qui sont treize.

Plus vnze croisees au logis du Seigneur, avec vnze lucarnes pour le galletas.

Plus seize petites fenestres aux quatre pauillons des coings.

Trente & six petites fenestres, tant au premier estage du rez de terre, que des greniers, sans les fenestres d'au-dessous les croisees du logis du Seigneur, pour laisser tomber le iour en glais aux offices & caues.

Plus cinquante & six huisseries, grandes que petites, tant pour tout le logis du Seigneur, que pour la basse court.

Plus dix grandes trauees pour le logis du Seigneur, avec les quatre des pauillons, & autant en comble.

Plus douze trauees pour les logis de la basse court, & pour les estables du bestail, sans les escuries que ie ne compte point, d'autant qu'à toutes escuries qui ne seroient voultées, seroit besoing y mettre foliues de dix à douze poulces, & les mettre à trois pieds prez l'une de l'autre, & voultre les entredeux de brique, en maniere d'un petit arc courbé, pource que communément les estables à cheuaux sont subiettes au feu: Toutesfois en cet edifice, l'estage au dessus des escuries est voulté.

XXVIII.



ESTRE place en paralelograme, a vingt & huit toises de largeur, & douze & demie en profondeur, qui font trois cents cinquante toises en superficie, qui valent vn tiers d'arpent, deux cordes moins, ou enuiron.

Le bastiment est vne masse composée de trois corps, l'un au milieu, & les deux autres en forme de deux gros pauillons, qui ferment iceluy.

Le premier estage est celuy des offices, lequel est moytié dans terre, & moytié dehors: au moyen dequoy il faut monter quelques degrez à l'estage d'au-dessus celuy des offices.

L'estage des offices est desseigné par le premier plan, comme apparoit par le dessein des voultres.

L'estage élevé au-dessus, est pareillement desseigné au second plan. Au corps du milieu, est la salle, avec deux garderobbes, & deux escalliers.

Le second estage de ce corps est en galletas, accommodé de pareils membres, qui font en forme de pauillons.

Les deux autres corps ioignants, l'un à dextre, l'autre à fenestre, sont élevés vn chacun de deux estages iusques à l'entablement. Au dessus est vn troisieme estage couuert en dosme, ayant à la scime vne petite tube, ou lanterne de six à sept pieds, couverte pareillement en dosme, selon l'ordre du grand: & d'icelle lanterne tombe le iour, & descend en l'estage. Chacun desdits pauillons est couuert en deux dosmes, qui font quatre pour iceux deux pauillons: le dedans desquels dosmes seruira de garde-meu-

Liure d'architecture

bles, & grands cabinets, soit d'armes ou de peintures.

Iceux corps sont accommodez de membres, comme apparoit sur le plan, assauoir chacun d'iceux corps de deux chambres, garnies de leurs garderobbes, saillans sur la terrasse, outre le corps du milieu. Entre icelles chambres, est vne allée venant de la salle, séparât lesdites deux chambres les vnes des autres: Laquelle allée, au premier estage se vient rendre aussi sur la terrasse regnant en tout le logis. Et au deuxiesme estage a vn appuy, ou fenestre, ayant iour sur ladite terrasse.

La closture de la terrasse, entre le logis & le fossé, ayant trois toises d'éléuation, depuis le fondement iusques au cordon, reuient à trois cents toises.

L'appuy, ou parappel de trois pieds de haut; avec les quatre petits forts, reuient à soixante & quinze toises.

La maçonnerie de tout le bastiment, reuient à neuf cents soixante & dix toises.

Les voultres des offices & caues, reuiennent à six vingts dix toises.

Le carrelage de tous les estages, reuient à deux cents soixante toises.

Il y a en tout le logis vingt & vne croisee, & cinq lucarnes au galletas du corps du milieu.

Plus vingt & huit petites fenestres bastardes, tant pour les escalliers, que pour les quatre petits pavillons estants outre le corps.

Plus treize fenestres bastardes en glacis, estants au dessous des croisees du premier estage du rez de la terrasse, pour donner iour aux offices.

Il y a dixneuf trauees à tous les estages, avec dix poutres, sans les petites trauees des petits pavillons, avec les combles du galletas du corps du milieu, & les quatre combles en dosme, & dix autres petits, assauoir les quatre des quatre petits pavillons, puis les deux des montees, & les quatre des quatre tubes de dessus les dosmes.

Sans les quatre, qui sont aux quatre petits fors, lesquels se doiuent couvrir de pierre de taille à ioings couuers, ou bien de bonne brique, s'amortissant sur la voulte de degré en degré, si on ne les veut faire de charpenterie, & la couuerture dessus.

Il y a douze cheminées pour tous estages, si ne voulez en faire de petites aux petits cabinets, desquels ie ne feray calcul en ce present compte.

Il y a en tous les estages cinquante huisseries, tant grandes que petites.

Le dixneufiesme bastiment cy deuant déclaré, reuient à mesme ordonnance que cestuy: toutefois vous y trouuerez des changements differents, pour donner à cognoistre qu'à vn dessein de bastiment, encores qu'il soit arresté, on y peut changer, tant aux commoditez qu'en la couuerture & symmetrie.

XXIX.



Ce bastiment est vne masse de logis, lequel contient douze toises & demie sur cinq deux pieds de large, non compté la saillie du perron sur le deuant.

Ce logis n'a que deux estages, & son galletas dessus.

Au premier estage, on passe par dessous le perron, par vne allée pour aller à vne petite terrasse, de laquelle on descend pour aller au iardin. Es deux costez de l'allée sont deux places, lesquelles seruiron de caues ou celiers.

De l'entree venant à l'allée susdite, au costé dextre est vne cuisine, son gardemanger, & montée pour le bastiment. De l'autre costé fenestre, est vn fournil, avec vne petite place pour les farines.

Il faut monter au deuxiesme estage par le perron à descouuert, ou bien par la montée à couuert: Lequel estage est accomodé d'une salle, avec son ferre-nappe, deux chambres, & deux garderobbes, avec deux petits cabinets posez sur deux trompes, estants aux angles par le dehors.

Le troisieme estage se pourra faire en galletas, & accommoder de pareils membres que le deuxiesme: Autrement faudra separer la salle en deux, & en faire chambres,

Pour les champs.

20

bres, ou bien s'en seruir de grenier.

La maçonnerie de tout ce bastiment, prenant vne toise de fondation plus bas que le rez de terre, & du rez de terre iusques au dessus de l'entablement, reuient à trois cents quatre vingts toises.

Le carrelage des deux estages, de la cuisine, & du fournil, reuient à quatre vingts quinze toises.

La couuerture, reuient à cent cinq toises.

Il y a huit cheminees pour les trois estages; mais faisant seruir le galletas de grenier, il n'en faudra que cinq.

Plus sept croisées & quatre demies, & huit fenestres bastardes.

Plus vnze lucarnes, assauoir cinq grandes, & le reste petites.

Plus vingt & quatre trauees, tant grandes que petites, & dix poultries.

Plus neuf trauees en comble.

Plus vingt & trois huisseries.

XXX.



EST E place est vn carré de vingt & quatre toises sur chacun costé, qui font cinq cents soixante & seize toises en superficie, qui est demi arpent de terre, vne corde & demie, ou enuiron. Es quatre angles d'icelle place, sont quatre raelins aiguts, avec leurs courtines: le tout se fera de pierre en tal-
lut dans les fossez.

Dans ceste place, est assis le bastiment de dixhuit toises sur chacune face en son carré, non comprins les douze saillies des petites garderobbes & cabinets, saillants outre le corps d'une toise, ou enuiron.

Ce bastiment est composé de quatre corps de logis fermants la court, à l'entour de laquelle est vne gallerie de neuf pieds de large. Aux quatre angles d'icelle sont quatre montees, dont d'un chacun costé d'icelles, est vne petite place seruant de commodité pour les membres des estages: ce qui fait rendre par le moyen d'icelles places & montees, la gallerie & la court, oualles: laquelle court a sur sa largeur huit toises deux pieds moins: & de profondeur, cinq toises deux pieds.

Les modernes ne suiuent gueres ces manieres d'ordonnances, dont i'en ay fait de quatre ou cinq sortes en ce present volume: d'autant qu'ils trouueront estrange ceste façon de dresser ainsi les bastiments, pour ne l'auoir accoustumé, n'estant la maniere d'aujourd'hui: Ce neantmoins les antiques estoient fort accoustumez d'en vser, mesmement en leurs plus somptueux edifices, comme il appert par les vestiges & ruines qui sont demeurees, & que lon void encore aujourd'hui.

Les corps de ce bastiment ont deux estages, & leur galletas dessus, & les douze saillies, trois, estants couuertes en dosmes, comme il appert par le dessein de l'éléuation.

Pour le regard de l'ordre des commoditez, ie n'en ay fait qu'un plan, par lequel vous en pouuez seruir en tous estages, changeant seulement le grand corps de derriere, duquel en son premier estage (si bon vous semble) s'en peut faire vne gallerie voultee à arcades, tant sur le derriere qu'à deux costez: & le dessus en son second estage, en faire comme elle est designée sur le plan, pour seruir de salle & gallerie. Le dessus qui est le galletas se diuifera en membres, par le moyen de quelques cloisons.

Sur l'entree de dedant, est vne petite place ronde regnante à tous les estages, au second estage de laquelle est un rond ouuert, & vne petite gallerie de trois pieds de large, qui le circuit par dessus les appuis, de laquelle on regarde par bas les entrées & sortants, ayant à l'entour d'iceluy rond un petit appuy, ou gardefort de trois pieds de haut.

Iceluy rond a neuf pieds de diametre, & regnera pareillement au troisieme estage, sur lequel est porté un dosme regnant sur pillastres, dont le iour descend au trauers d'iceux au dessous, & es petites galleries. Tout le reste verrez par les desseins du plan, & de l'éléuation.

Liure d'architecture

Pour le regard des offices, ie n'en ay point fait de mention, d'autant qu'au premier estage du rez de terre, il se pourra trouuer du lieu assez pour cuifines, & autres offices: Il est vray, que qui voudroit faire sous le grand corps de derriere vne voulte de sa longueur, là se trouueroit lieux & places de plusieurs commoditez d'offices, & dont les descentes se prendroient es montees prochaines d'icelles.

Lesquelles montees ont chacune de largeur neuf pieds de diametre dans œuvre, le noyau au milieu, chacune marche quatre pieds de long seulement: & du rez de terre lon descendroit es offices: & de l'autre costé on monteroit es estages d'enhaut: toutefois ie n'ay fait nulle mention au calcul de l'estage des offices.

Les quatre raelins & courtines, à prendre trois toises du fond iusques au dessus du parappel, reuiennent à trois cents quarante toises de mur, portant tallut.

Tout le bastiment, assauoir les quatre corps ayants vne toise de fondation, reuiennent à quatorze cents trente toises.

Il y a cinquante croisees aux deux estages.

Plus quarante & huit fenestres bastardes.

Il y a à l'estage du galletas, tant dedans la court que dehors, trente & deux lucarnes.

Plus vingt & sept cheminees, tant aux deux estages qu'au galletas.

Plus cinquante & quatre trauees, & vingt & huit poultries, avec trente & six petites trauees, qui ne sont que de sept à huit pieds de large pour tout le corps: non compris les combles des pauillons, ausquels y a autant de trauees qu'à chacun estage.

Plus cent trente huisseries pour tous les estages.

Le carrelage des trois estages, avec la gallerie d'autour la court, ayant ses deux estages, le tout reuient à cinq cents trente toises.

Plus en couuerture quatre cents vingt toises.

Plus quarante & huit petites fenestres aux faillies.

XXXI.

CE dessein demonstre vne place en forme de parallelograme, enclose de trois costez d'eauë, ayant de largeur cent douze toises, sur la profondeur de trente & cinq, qui sont trois mil neuf cents vingt toises en superficie, qui valent trois arpents & demi, deux perches & demie de terre, ou enuiron: non compris les faillies des corps des bastiments.

Ceste place est ordonnée en trois parties, assauoir la maison du Seigneur, laquelle est au milieu, avec tous ses departements. A dextre est le parterre, ou iardin, accompagné de ce qui y est necessaire: puis à fenestre est la basse court, avec les comoditez requises.

A l'entree du logis du Seigneur est le pont-leuis, accompagné de deux petites tours seruantes de defense: d'iceluy pont on vient à vne allée, ou gallerie de quatre toises de largeur, par le milieu de laquelle est l'entree de la court du Seigneur. Aux deux bouts d'icelle sont comme deux corps de pauillons: & au dessous des places vagues fort necessaires en vne maison, pour retirer coches, littieres, chariots, & charrettes. De ladite allée, ou gallerie par dessous ces pauillons, à main fenestre, on va à la basse court: & au contraire d'icelle, à dextre, on va au iardin.

La court du Seigneur a trête toises de large, sur vingt & quatre de profondeur, fermee de bastimets de trois costez. Les deux costez à dextre & fenestre, sont deux grâds corps de logis eleuez seulement d'un estage du rez de la court, & leur galletas dessus: & en iceux au premier estage, se peuuent prendre tous membres necessaires es offices: & à l'estage de dessus qui est en galletas, tous membres manables. L'autre bastiment, qui est sur le derriere en face de la court, est vne gallerie à arcades, & voultee: & au dessus vne terrasse. Aux deux bouts d'icelle sont deux grands pauillons de douze toises de long dans œuvre, eleuez de deux estages, & le galletas dessus: ausquels pauillons se viennent ioindre & fermer les corps des deux bastiments susdits. Vn chacun d'iceux pauil-

pauillons est garni d'un escallier & membres necessaires pour vn tel lieu, comme le demonstre & represente, tant le plan que l'elevation.

La basse court a trente toises de largeur, sur vingt & six de profondeur, fermee de tous costez de bastiments.

En premier lieu, du costé fenestre de l'entree sont estables, tant pour bœufs, vaches, brebis, qu'autre bestail. A l'opposite est vn petit jeu de paulme, aux deux bouts duquel sont deux petits logis, ayants chacun sa chambre & son grenier dessus. Du costé dextre ioignant la petite maison, tenant au grand pauillon, est vne petite court. De l'autre costé fenestre, est vne escurie double pour deux rangs de cheuaux: & aux bouts d'icelle est vne place pour retirer les selles & harnois: ou qui voudra, en mettre vne partie en escurie. Le costé fenestre de l'entree d'icelle basse court, est fermee d'un des corps de logis de la court du Seigneur. L'autre costé opposite, est clos & fermé d'une grande grange, ayant aux deux costez d'icelle deux petites courts, avec le logis du metayer. Ioignant le coing, est vn pont pour l'issue de la basse court, au milieu de laquelle est le colombier.

De l'autre costé est le iardin de vingt & quatre toises de large, sur vingt & huit de profondeur, ayant aux deux coings d'iceluy (non du costé du logis du Seigneur) deux pauillons, l'un seruant de commoditez, tant au premier qu'au second estage: à l'autre se pourra pratiquer & faire au premier estage quelque petite grotte: au dessus, quelque petite commodité, moyennant vne petite montee qu'il y faudra pratiquer. En ce iardin, sur le costé de l'entree du logis Seigneurial, au premier estage, est vne gallerie à pillastres terracee au dessus. Au costé opposite d'icelle, sont trois rangs d'arbres faifans allees entredeux, chacune d'une toise de large: par les desseins vous pourrez veoir le contenu de ceste declaration.

Toute la maçonnerie des talluts & faillies des quatre costez, cōptant depuis le pied du fondement iusques au cordon cinq toises, reuient à quinze cents cinquante toises.

Toute la maçonnerie de ce lieu, tant du logis seigneurial que de la basse court & closture du iardin, reuient en tout à deux mil soixante toises.

Le carrelage de tous les estages du logis du Seigneur, reuient à six cents toises.

La carrelage des logis de la basse court, & du jeu de paume, reuiet à six vingts toises.

La couuerture de tous les corps du logis seigneurial, reuient à six cents toises.

La couuerture de tous les membres de la basse court, reuient à trois cents soixante toises.

A chacun estage du corps de logis du Seigneur y a quatorze cheminees, qui sont pour les deux estages & galletas, quarante & deux.

Plus pour les logis de la basse court, trois cheminees.

A chacun estage y a trente & deux trauees, & seize poutres, qui sont soixante & quatre trauees, & trente & deux poutres, pour les deux estages.

Plus les combles du galletas.

Plus à la basse court, huit trauees & quatre poutres, sans les petites des estables, & combles de tout le contenu.

Plus au logis du Seigneur, cent croisees.

Plus audit logis, cinquante & deux lucarnes.

A la basse court, seize fenestres, tant grâdes que petites, avec neuf petites lucarnes.

Il faut quatre vingts dixhuit, rât pour le logis du Seigneur, que pour la basse court.

XXXII.



EST place est vn parallelograme, ou quadrangle de vingt & huit toises en largeur, & vingt en profondeur, qui sont cinq cents soixante toises en superficie, qui valent demi arpent, demie corde de terre, ou enuiron, ayant à chacun coing de la place vn ruelin pour defense, avec l'entree au milieu de la courtine de deuant.

Liure d'architecture

Le bastiment y desseigné, est en pareille forme de quadrâgle, lequel contient vingt & quatre toises de longueur sur la profondeur de quinze toises quatre pieds. Le reste sert à vne terrasse regnant à l'entour du logis, laquelle a deux toises de largeur.

Cet edifice consiste en quatre pavillons separez l'un de l'autre, ayâts chacun de longueur neuf toises, sur cinq toises deux pieds de largeur. Entre iceux est la court, d'une ordonnance de quatre demies circonferences fermants icelle court, qui est de six toises en quarré, sans les renfondrements desdites circonferences.

Les pavillons sont éleuez de trois estages, & leur galletas dessus. Le premier estage par bas, est accommodé de tous membres necessaires, pour seruir à offices & caues: & y faudra descendre du rez de terre de quatre à cinq pieds. Au contraire d'iceluy rez de terre, faudra mōter de quatre à cinq pieds au deuxiesme estage, lequel seruira de commoditez manables: comme aussi fera le troisieme de tous les quatre pavillons.

Quant au quatriesme estage d'iceux pavillons, lequel l'ay desseigné en galletas: i'enten le laisser sans aucun refan, ne cloison, n'y pretendant faire aucun logement, par ce que ces quatre places seruiron de garde-meubles, d'armurerie, & cabinets de peintures, & autres telles choses.

Ces quatre pavillons sont fermez par deuant & derriere d'un fort mur, & des deux costez à dextre & à senestre de deux petits corps de logis, ayants vn chacun vn estage seulement, assis sur les offices, & vne terrasse dessus. Iceluy estage sera comme vne gallerie fermee pour aller à couuert de pavillon à autre, & à descouuert par la terrasse d'audeffus. Chacun d'iceux pavillons est accommodé d'un escallier, avec les membres desseignez sur le plan.

Les quatre escalliers sont éleuez plus haut que l'entablement des pavillons, pour le seruice du dernier estage, qui est en galletas. Icelles montees seront couuertes en maniere de petits dosmes quarez: & au dessus quelques petites tubes, ou lanternes pour descouurir de toutes parts.

Les priez se pourront prendre dedans l'épessueur des grosses murailles, estants és coings des circonferences, comme ie les y marque par pertuits quarez, lesquels s'escouleront par tuyaux, qui descendront dans le tallut où l'eauë ira respondre: & faudra pratiquer des petits passages pour y aller de l'escallier.

J'ay fait en ce desseing trois éléuations, deux geometralement, & la troisieme en perspective sur la veüe du costé, avec l'éléuation du portail. L'un des deux desseings geometraux est de la face du deuant, l'autre est de la face de la separation du milieu, auquel est figuree la moitié de la court.

Toute la maçonnerie, comprins le retour des raelins, sans leur éléuation, que ie laisse à volonté, & dont ie n'ay fait calcul, pareillement du rehaussement du parappel, & des courtines, lesquelles ie reduits seulement à trois toises & demie de fondement iusques au cordon, & aussi le fort de l'entree, le tout reuiet à cinq cents toises.

Toute la maçonnerie, tant des quatre pavillons que de tout le contenu du principal corps de logis, reuiet à treize cents cinquante toises.

Le carrelage de tous les estages du logis, reuiet à trois cents quatre vingts toises.

Les voultres de tout le premier estage d'embas, reuiennent à cēt quatre vingts toises.

La couuerture des quatre pavillons, avec celle des quatre escalliers, reuiet à trois cents trente toises.

Les voultres des deux terraces, estants aux deux costez, entre les pavillons, reuiennent à soixante toises.

La moitié du premier estage dedié à offices, lequel il faudra pauer, reuiendra à soixante toises.

L'autre moitié dudit estage ce seront caues.

Il y a dixhuit cheminees: premierement deux à l'estage des offices, & six à chacun estage de dessus icelles, qui seront douze, & vne à chacun dernier estage des quatre pavillons.

Il y a

Pour les champs.


22

Il y a trente & quatre fenestres en maniere de croisees au deuxiesme & troisieme estage, huit grandes lucarnes larges pour donner iour es galleras: plus seize fenestres communes pour les quatre escalliers.

Au deuxiesme estage y a dix huit trauees, & six poultres, au troisieme seize trauees, & six poultres, & les combles dessus.

En tout le logis y a soixante & dix huisseries.

XXXIII.

 E lieu est compris dans vn quarré parallelograme, de trente & quatre toises de largeur, & vingt de profondeur, qui sont six cents quatre vingts toises en superficie, qui valent demi arpent, demi quartier de terre, quelque perche moins, ou enuiron: non compris les faillies des quatre petits forts, estans es quatre angles. Dans la closture de ce lieu est la basse court, & ses commoditez, avec le logis seigneurial.

Premierement, l'entree est au milieu de l'une des courtines, de laquelle on va à la basse court, qui a dix huit toises & demie de profondeur, sur seize & demie de largeur. Sur le costé fenestre de l'entree, est le logis seigneurial: & du costé dextre sont les commoditez de la basse court, comme estables, grange, greniers: & le tout ensemble n'est qu'un corps composé de toutes ces choses. A sçauoir sur le milieu au rez de terre est l'aire de la grange, & à dextre & fenestre d'icelle, sont de chacun costé trois estables, dont y en a deux de l'un des costez de deux toises deux pieds de large, sur six toises de profondeur: & celle du milieu, de deux toises sur la mesme profondeur. A l'autre costé pareil, icelles estables sont voultées à sept ou huit pieds de haut, au dessus desquelles est l'aire de la grange, contenant tout le dessus d'icelles. Du rez de l'aire, qui est au rez de terre (où on bat le bled) se monteront les gerbes pour les asscoir au dessus du rez des voultés susdittes.

Chacune estable est separee par murs ou refans, dont les vnes seruiron à escuries, les autres pour bœufs, moutons, vaches, & autre bestail, selon qu'on verra pour le meilleur. Trois toises, ou enuiron au dessus du rez de la grange, qui est sur les voultés desdittes estables, seront pareillement voultés quarrés chacune de treize à quatorze pieds de large, portées & soutenues par pillastres quarrés, qui seront assis sur les murailles, faisant les separations des estables susdittes: & tout le vuide du dedans seruira de grange, laquelle sera couuerte d'icelles petites voultés. Au dessus d'icelles sera vn grand grenier de la longueur & largeur de ladicte grange, lequel sera couuert de sept petits combles suyuant l'ordre des entredoux des murailles, & seront iceux combles portez sur les pilliers, estants à la grange, lesquels regneront iusques aux dits combles.

Sur le deuant de l'entree de la grange sont deux pillastres en faillie, sur lesquels, & pareillement aussi sur les deux premiers murs de l'aire, se porte le colombier, comme apparoit, tant sur l'un des plans, que par les desseings des eleuations de la face de la grange.

Es deux angles de la court, ioignant le grand corps, sont deux montees pour aller aux greniers: à chacune d'icelles par bas est vn priué.

A l'autre costé opposite de la court, qui est sur le costé fenestre de l'entree, est le logis seigneurial, lequel est composé de trois corps de logis. Le principal d'entre iceux corps, qui est au milieu, a quatre estages: le premier sert de caues: le second d'une gallerie voultée à arcades: le troisieme d'une salle & ses commoditez: le quatrieme est vn galleras pour seruir de greniers, ou autres commoditez.

Les deux autres corps estants à dextre & à fenestre, ont autant d'estages que le grand corps: le premier seruira à offices: le second & troisieme seront membres logeables: le quatrieme en galleras.

Du rez de terre de la court faut entrer en yne porte, de laquelle on descend deux ou

Liure d'architecture

trois pieds pour aller aux caues & offices. Au contraire d'iceluy rez de terre, faut monter par deux costez six ou sept pieds par vn perron, pour venir à la terrasse, qui est entre les deux corps de logis & celuy du milieu, de laquelle terrasse on va à la gallerie voultee, & aux membres des deux corps. L'estage des offices sera voultee avec la gallerie: tout le reste seront planchers: dans les corps y a deux escalliers pour la commodité des estages.

Sur l'entree de la court sont deux pillastres quarrés, sur lesquels, & aussi sur la muraille & closture du lieu, sera assis vne petite chambre couuerte en pavillon: pareillement sur la profondeur de la court, & à la ligne respondante à l'entree, sont deux autres pareils pillastres egaux, sur lesquels, & sur la muraille de la closture, sera pareille chambre que sur le deuant, esquelles deux petites places on ira par deux petites galleries respondantes es deux corps de logis, estants à dextre & fenestre de la terrasse. A chacune d'icelles petites galleries, est vne petite montee pour leurs commoditez: au dessus on pourra retirer à couuert coches & littieres.

Ceste maniere de bastir est propre pour ceux qui se veulent loger menageremét, & auoir tât leur logis que la basse court enclose & fermee en vn, à ce qu'ils puissent veoir sans grande peine tout ce qui se fait chez eux. Suyuant ce sujet, se pourra faire & inuenter autres bastiments plus riches, ou plus simples (selon le desir de dépendre) pour retirer le tout en peu de lieu.

La maçonnerie, tant des courtines que des petits forts, à prédre deux toises de fondation iusques au dessus du cordon, reuient à deux cents quinze toises.

La maçonnerie de la basse court, tant de la grange, colombier, estables, que les voultres, avec l'éleuation de la closture au dessus du cordon, laquelle est de trois toises de haut, regnât tant sur la face de l'entree que mesmement sur le derriere: comprenant aussi en ce calcul les petites Chambres, desquelles il y en a vne sur le portail, & l'autre qui est à l'opposite, ioignant la closture de derriere: le tout ci dessus ensemble, reuient à huit cents quatre vings toises.

Le logis seigneurial, à prendre l'éleuation d'au dessus le cordon, iusques au dessus de l'entablement de sept toises de haut, regnant aux entours les pans des corps, tant dehors que dedans, qu'aussi les refans, & voultres, & petits murs d'appui, que l'exaucement des quatre demies circonferences estants aux corps des costez, le tout reuient à neuf cents quatre vings toises de maçonnerie.

Le carrelage de tous les planchers, tant du logis du Seigneur, que des deux petites chambres, estât sur le portail, & sur le derriere, reuient le tout à deux cés vingt toises.

Le paué des offices, avec celuy de la terrasse d'entre les deux corps des deux costez, reuient à quatre vings toises.

La couuerture, tant des trois corps (dont les deux des deux costez sont couuerts en demies circonferences, & le corps du milieu en pavillon) que de tout le reste des bastiments du pourpris (excepté le colombier, & la grange, & les petites montees qui la ioignent,) le tout reuient à deux cents soixante toises.

La couuerture de la grange, estant en petits combles, ensemble le colombier, & les petites montees susdittes, reuient le tout à deux cens dix toises.

Le carrelage du grenier au dessus de la grange, reuient à cent cinq toises.

Il y a pour tous les trois estages, & pour les offices, vingt cinq cheminees.

Ne faisant point de croisees à la gallerie sur le costé du fossé (encor que ie le aye marqué sur le plan, & non à l'éleuation) il y a trente cinq croisees, avec trente & quatre petites fenestres.

Plus quatorze lucarnes, & deux oualles.

Plus trente & huit trauees, & quatorze poutres pour les deux estages, & dix huit reuenant en combles.

Plus soixante huisseries grandes que petites, tant pour le logis du Seigneur que pour le corps de la grange.

Touchant

Pour les champs.

23

Touchant des petites fenestres, & iours du corps de la grange, ie n'en fay point de calcul, d'autant que cela se comptera parmy le toilage.

XXXIIII.

Cel bastiment consiste en vne place, ayât quarante & deux toises de largeur, & trente & vne de profondeur, qui sont en nombre treize cents deux toises en superficie, qui reuiennent à vn arpent, demy quârtier, cinq perches, vn peu moins.

Et doit estre ce bastiment garny par bas de son estage d'offices, auquel y faudra descendre par les escalliers, qui ont leurs aduenues par des perrons en forme de demie circonference, par lesquels il faudra monter au premier estage au dessus celuy des offices.

Ce corps de logis est accompagné de six gros paviillons, quatre desquels sont assis aux quatre coings d'iceluy: l'un des deux autres sert d'entree & portique au logis: & l'autre est vis à vis iceluy, seruant d'issue pour aller au iardin. Les corps de logis sont ioignants & contigus entre tous ces six paviillons. Le principal d'iceux corps est à main fenestre en entrant, ayant au premier estage, qui est au rez de la court, vne gallerie regnante d'un paviillon à autre. Et au corps de logis, à main dextre, est seulement vne gallerie regnante: pareillement toute la distance d'entre les deux paviillons des coings.

Es deux autres corps, assavoir celuy de deuant & celuy de derriere sur la court, y sont pareillement comprins deux autres petites galleries, chacune de trois arcs seulement, de la mesme symmetrie & ordonnance que les deux precedentes: de sorte que du milieu & centre de la court, lon void les quatre costez semblables les vns aux autres, comme pouuez cognoistre par le dessein du premier plan.

Le second plan qui represente le deuxiesme estage, n'est en aucuns endroits tout semblable au premier, parce que dessus le corps du costé fenestre, est vne salle en berceau, d'unze toises de longueur, & cinq de largeur: ayant d'un costé vn grand escallier, & de l'autre vne antichambre, de laquelle on va aux commoditez, comprinses dans le paviillon prochain.

Le costé opposite, est vne gallerie en galletas.

Les paviillons se suiuent de commoditez pareilles à celles du premier estage: mais le corps de deuant, & celuy de derriere en leurs seconds estages, sont en partie terracés: principalement à celuy de deuant y en a quatre, & à celuy de derriere deux petites, avec leur appuy, le tout desseigné sur le plan.

Les trois paviillons du deuant sont de deux estages, & leur galletas dessus, les terraces entre iceux, sont au dessus du premier estage des deux corps, à dextre & à fenestre.

Les trois paviillons du grand corps de derriere, sont de trois estages & le galletas au dessus. Les corps entre iceux, tant à dextre qu'à fenestre, de deux estages seulement: puis le galletas dessus. La petite terrace est assise au dessus du premier estage du paviillon du milieu.

Toute la maçonnerie de ce bastiment, reuient à trois mil trois cents toises.

Toutes les voultres de l'estage des offices & caues, reuiennêt à six cets soixâte toises.

Les voultres des quatre galleries de la court, reuiennent à cent cinquante toises.

Tout le carrelage de tous les estages, reuient à treize cents toises.

Toute la couuerture de tous les corps & paviillons, reuient à huit cents quatre vingts toises.

En tous les estages du logis, y aura soixante & quatorze cheminées.

Plus cent dix huit croisees, & douze fenestres bastardes.

Plus soixante & deux lucarnes, & douze petites.

Plus six vingts traues, tant grandes que petites, & soixante & quatre poultes: puis tous les combles.

Liure d'architecture

Plus huit vingts dix huisseries, pour tous les estages du logis.

XXXIII.



Le bastiment n'est de gueres dissemblable au precedent, & est cõprins dans vn quaré, qui est quelque peu imparfait, parce que d'un costé sur la largeur l'un bout de pavillon à autre, y a quarante & trois toises, & sur sa profondeur quarante, qui font dixsept cents vingt toises de superficie, reuenants à vn arpent & demy, cinq perches de terre, vn peu moins.

L'edifice est composé de quatre corps de logis, enrichy de six pavillons, quatre aux quatre coings, vn sur le milieu du corps de deuant, qui est l'entree, ou portail: l'autre sur le milieu du corps de derriere. La court a vingt & quatre toises & demie de largeur, & vingt & quatre en profondeur, n'estant ce bastiment de petite entreprinse: car outre ce que demontre le dessein, il faut entendre y auoir encor vn estage dans terre, qui seruira pour les offices, caues, & celiers: ausquels du rez de terre faudra descendre par les escalliers de cinq à six pieds: & faudra qu'iceluy estage soit voulté. Au contraire du rez de terre faudra môter quatre ou cinq pieds par lesdites montees & escalliers, pour aller au premier estage au dessus desdites offices.

Les trois corps de logis, assauoir celuy de deuant & les deux du dextre & fenestre n'ont qu'un estage, & le galletas dessus. Le corps de derriere a deux estages, avec son galletas dessus.

Les trois pavillons estants sur le corps de deuant, sont de deux estages, & le galletas dessus.

Les trois pavillons du grand corps de derriere, sont eleuez de trois estages, & le galletas dessus.

Le corps estant à dextre en entrant à la court est vne gallerie à arcades, & voultée, ayant au dessus vne autre gallerie en galletas: laquelle a deux faillies dessus pillastres sur la court, pour y pratiquer deux petits cabinets qui voudra, ou biẽ les laisser en terrasse.

L'autre coile opposite, est vne grande salle de vnze à douze toises de longueur, & de cinq & demie de largeur, garnie de chacun costé de commoditez y necessaires.

Toutes les commoditez, tant des pavillons que des corps de logis, sont faciles à remarquer sur le plan.

Pour le regard de la court, il y a quatre parterres de iardins, à l'entour desquels re-gnent des allees qu'il faudra pauer, ou bien si quelques-vns trouuent la place plus belle en court sans iardins, il se peut faire à leur volenté.

Toute la maçonnerie de ce bastiment, reuiet à trois mil quatre cents quatrevingts toises.

Le carrelage de tous les estages, reuiet à quinze cents soixante toises.

Les voultres de l'estage des offices & caues, contenant toute la concavité de dessous le logis, reuiennent à huit cens soixante toises.

La voulte de la gallerie, reuiet à cent toises.

La couuerture de tout le bastiment, reuiet à neuf cents quatre vingts toises.

Il y a en tous les estages du bastiment, cent dix croisees, & vingt & quatre demies, avec environ seize petites fenestres bastardes.

Il y a cent trois lucarnes, avec huit petites.

Plus cinquante & quatre cheminées par le tout.

Plus huit vingts huisseries pour tous les estages du logis, cõprins celuy des offices.

Il y a au premier estage soixante & quatre trauees, tant grandes que petites, avec vingt & quatre poutres. Au deuxiesme estage trente & vne trauee, & quatorze poutres. Et au troisieme estage pour les pavillons de derriere, dixhuit trauees, & huit poutres, tant grandes que petites.

Plus les combles des six pavillons, & les combles des quatre corps.

XXXV.



Le bastiment est en maniere de fort, & d'une forme ronde, posé sur vne masse quarree de quarante toises de long sur chacune face, qui font seize cents toises en superficie, reuenant à vn arpent, quartier & demy, huit perches & demie de terre, vn peu moins: non comprins les faillies des quatre raelins estants és quatre angles d'icelle place (laquelle est circuie d'eau de tous costez) ny aussi la faillie du fond du tallut.

La court est pareillement ronde de dixhuit toises de diametre, qui font cinquante & quatre toises de circonference, ou enuiron. Le diametre de la masse ronde du bastiment a par le dehors trente toises, reuenant à quatre vingts dix toises de tour, non comprins les faillies des quatre pauillons assis & posez dedans la masse de la maçonnerie ronde: l'un d'iceux pauillons sur le deuant, l'autre sur le derriere: les deux autres és deux costez, l'un à dextre, l'autre à fenestre, ausquels se ioignent quatre corps de logis, que l'appelle la masse ronde.

A cause que le bastiment est d'une figure ronde, posé sur vne masse quarree, il se trouue aux quatre coings quatre angles vuides, où ie desseigne quatre petits parterres ou iardins, avec des allees à l'entour d'iceux, qui se vont rendre à chacun des raelins estants és coings de ladicte masse.

Les quatre pauillons quarrez, sont eleuez de deux estages, & couuerts en maniere de dosome, vne petite tube ou lanterne en forme quarree au dessus: & en iceux estages sont les membres & commoditez desseigneés sur le plan.

Entre iceux pauillons sont pareillement les quatre corps susdits en circonference, eleuez d'un estage seulement, lesquels seront voultez, à cause qu'au dessus sont terraces, par lesquelles on va des quatre pauillons l'un à l'autre. Les quatre corps en circonference seruent de commoditez, qui sont aussi desseigneés sur le plan. Iceux corps sont enrichis, tant par dedans la court que par le dehors du logis, d'arcs, dans lesquels sont comprises les veies pour les membres de dedans.

Ce desseing a esté fait plus pour inuention à plaisir qu'autrement, toutefois iceluy estant fait, ne laisseroit de donner commodité & contentement.

Au dessous de toute la masse de la maçonnerie, se peuuent faire & pratiquer les offices: toutefois au calcul ie n'en ay fait nul compte, ains seulement d'une toise de fondation au dessous du rez de terre de la court.

Les raelins & pants des talluts, sont de trois toises, depuis le fondement iusques à l'appuy, au dessous du cordon, & reuiennent, tant iceux raelins que courtines à sept cents vingts toises.

La maçonnerie de tout le bastiment, assauoir les quatre corps quarrez, comprenant depuis le fondement iusques à l'entablement huit toises, reuiennent à mil cinq cents toises.

Les quatre corps en circonference, à prendre depuis le pied du fondement iusques à l'entablement cinq toises de hauteur, reuiennent à cinq cents toises de mur.

Les voultres d'iceux quatre corps en circonference, reuiennent à deux cents soixante toises.

Le carrelage des pauillons quarrez, ayants chacun trois estages, chacun d'iceux pauillons reuient à cent soixante toises, qui est pour les quatre ensemble, six cents quarante toises.

L'estage des quatre corps en circonference, sera carrelé par le bas, reuenant le carrelage de chacun corps à quarante & cinq toises, qui est pour les quatre corps, neuf vingts toises.

Ledit estage sera voulté pour porter la terrasse, que ie desseigne au dessus iceluy, laquelle i'enten estre pauee, le paue de laquelle reuiendra à neuf vingts toises, comme

Liure d'architecture

le carrelage du bas de l'estage.

Il y a vnze cheminées à chacun estage, qui sont vingt & deux pour les deux estages. Je n'y ay point compté de galletas, d'autant que les combles pourront seruir de garde-meubles, ou grands cabinets qui voudra.

Au premier estage de tous les corps en general, il y a trente & huit fenestres: au second estage des quatre pauillons, il y en a vingt & quatre.

Pour le regard de la couuerture, chacun des quatre corps couuerts en dosme, avec le petit d'audeffus, reuiét à soixâte & quinze toises, qui sont pour les quatre trois cés.

Il faut, tant pour le premier estage des quatre pauillons, que pour le deuxiesme, soixante & quatre trauees grandes que petites, & trente & deux poutres.

Plus les quatre combles faits en dosmes.

Il y a soixante huilleries.

XXXVI.



CE bastiment est construit en vne place paralelograme, contenant quarante & trois toises de largeur, & vingt & six en profondeur, qui sont vnze cents dix huit toises en superficie, reuenants à vn arpent de terre, demie corde, ou enuiron: non comprins les faillies des raelins, ny aussi la faillie des tailuts des courtines.

Dans ce contenu est comprins le logis du Seigneur, avec la basse court, & ses commoditez necessaires. Es quatre angles, sont quatre terraces en forme de raelins pour la defence du lieu: le tour fermé de fossez, & de la largeur qu'il conuiendra.

L'entree est au milieu de l'vne des courtines sur le deuât, à laquelle est le pont-leuis: & au dessus du portail de la porte est vn petit pauillon, d'as lequel est vne petite châtre.

Au costé fenestre de l'entree est la basse court, laquelle a vingt & vne toise en largeur, & vingt & cinq de profondeur, à l'endroit du portail, & entre les corps de logis d'icelle, seize toises.

En icelle basse court, est la grange droittement opposite au logis du Seigneur. Icelle grange a treize toises de longueur sur cinq de largeur. Es deux costez de l'aire d'icelle, sont pratiquées deux estables vultees, eleues de six à sept pieds au dessous d'icelle, qui seruiron pour brebis & moutons. Sur icelle voute sera l'aire de la grange, eleuee toute fois de sept à huit pieds plus haut que celle du rez de terre, qui est le rez de la court où on bat le bled: Vray est que sur le plan n'y a de desseigné que d'vn costé, estables, à celle fin que celuy qui ne voudra suiure mon dessein, les puisse condamner, ou bien qui le voudra suiure, fera les deux costez pareils. J'ay aussi desseigné quelques degrez sur iceluy costé où est l'estable, par lesquels on monte les gerbes du rez de l'aire où on bat le bled, iusques au dessus des voutes des estables. A l'entree d'icelle grange par le deuant y a deux gros pilliers quarrez, pareillement deux autres pareils en l'aire, sur lesquels est porté & assis le colombier, pour auquel aller faudra vne eschelle par l'vn des costez.

Sur les costez dextre & fenestre de la grange, sont deux corps de logis, l'vn desquels seruira d'escuries, & l'autre opposite d'estables à bestail: au dessus sont greniers. Entre ladicte grange & iceux corps, est de chacun costé vne petite allee, de laquelle on va à vne montee pour aller és greniers: d'iceux corps, & prochain icelles, sont petites estables pour porcs, oisons, poullets d'Inde, & autres volailles. Il y a pareillement ioignant la grange, de chacun costé, vn petit passage pour aller és terraces des raelins.

Pour le regard du logis du Seigneur, estant à la basse court, faut monter du rez d'icelle six ou sept degrez pour venir à vne court, laquelle est en maniere de terrace, qui a seize toises de large, sur neuf & demie de profondeur: Icelle court est fermee de trois corps de logis, deux sur les costez, & couuerts en pauillons.

Le troisieme est sur le derriere, qui est le grand corps & le principal, estant couuert

en croupe sur les bouts, pour faire aussi forme de pavillon. Es deux angles respondants aux ruelins prochains, sont pareillement deux montees, vne de chacun costé de l'angle, pour seruir és estages des corps: esquelles montees y sont passages pour aller sur les terraces des ruelins. Iceux trois corps sont éleuez de deux estages, & leur galletas dessus.

Les montees d'un chacun estage sont accommodees de membres, desseignez sur le plan, excepté le premier estage, lequel est accommodé d'offices & caues. Il faudra descendre de la court du Seigneur par les deux escalliers des deux costez, pour aller és offices, & aussi pour y descendre les viures, & autres choses necessaires. Il y a deux autres entrees desseignes sur le plan, au dessous des deux corps des deux costez, auxquelles on y entre par la basse court.

Les priuez se prattiqueront par quelques petites faillies des montees, qui descendent sur les terraces des ruelins, lesquels auront leurs conduits iusques à l'eau.

Au deux corps estants sur les costez de la court du Seigneur, y a deux petits bouts de galleries, l'un pour aller à la petite chambre sur le portail, dont nous auons parlé cy dessus: l'autre pour aller à vne pareille sur le derriere, qui sera portee sur deux gros pilliers, & sur la closture de la court respondante vis à vis celle de l'entree, & est couuerte en mesme façon de pavillon: servant le dessous d'icelle à ferrer & mettre à couuert les coches & littieres.

Toute la closture du lieu, tant des ruelins que des courtines, prenant trois toises de fondation iusques au cordon, reuiet à cinq cents vingt toises.

La maçonnerie de tous les bastiments de la basse court & closture, reuiet à quatre cents vingt toises.

La maçonnerie de tout le logis du Seigneur, reuiet à neuf cents cinquante toises.

La couuerture de tout le logis du Seigneur, reuiet à trois cents dix toises.

La couuerture de toute la basse court, reuiet à deux cents soixante toises.

Les voultres des offices & caues, reuiennent à sept vingts toises.

Le carrelage des deux estages du logis du Seigneur, reuiet à deux cents vingt toises.

Il y a à chacun estage dix cheminees, qui seront vingt, & trois pour le premier estage où sont les offices.

Il faut vingt croisées au premier estage manable, & vingt petites pour l'estage des offices.

Plus vingt lucarnes pour le galletas.

Plus quatre demies croisées pour les deux petites chambres, l'une sur le portail, & celle qui est à l'opposite sur le derriere.

Plus seize trauees & cinq poutres à l'estage d'audeffus les offices, avec ce faut les combles.

Pour les deux montees, faut douze petites fenestres.

Pour tout le logis, faut soixante & seize huisseries, grandes que petites,

XXXVII.

CE bastiment consiste en vne place d'un quarré parfait, contenant quarante toises sur chacune face, qui sont seize cents toises en superficie, reuenants à vn arpent, quartier & demi, sept perches de terre, ou enuiron.

Ceste place est fermee d'une muraille portant tallut, ayant huit ruelins, assauoir quatre aigus és quatre coings de la place, & quatre obtus assis au milieu des courtines, vn au milieu de chacune: & sur chacun ruelin est planté vne tourelle quaree, ayant trois toises dans œuvre. A l'entour des courtines par le dedans, sur les terraux, est vn berceau de charpenterie, ou treille de huit à neuf pieds de large, couuert de vignes, ou couldroyes, ou bien de lierres. L'allée du terraut entre le logis & le berceau, a vingt pieds de large sur chacun des quatre costez.

Liure d'architecture

Le bastiment est composé de quatre gros pavillons, & de quatre corps (comme de galleries) entre iceux fermants la court, laquelle a quatorze toises & demie en quarré. Aux quatre coings, ou angles d'icelle court, sont quatre montees, vne à chacun coing, lesquelles sont en forme quarrée par le dehors, & rondes dans œuvre de huit à neuf pieds de diametre seulement.

Chacun pavillon a neuf toises & demie en quarré hors œuvre. Les quatre petits corps entre iceux pavillons ne sont de mesme longueur, d'autant que celuy de deuant & celuy de derriere ont de longueur quatorze toises & demie.

Les deux autres corps estants à dextre & senestre, ont de longueur vnze toises dans œuvre, sur treize à quatorze pieds de large. Iceux petits corps seruent de galleries & passages, pour d'iceux aller és estages des quatre pavillons.

Chacun pavillon est de deux estages, & le galletas dessus.

Chacun petit corps d'entre iceux est d'un estage, & vne terrasse dessus.

Deffous tous les corps sont les offices, ausquelles on descendra du rez de la court par les quatre montees susdittes de quatre à cinq pieds. Au contraire, on montera du rez de la court cinq ou six pieds, pour aller au premier estage de tous les corps.

De l'estage bas dedié aux offices, les iours se prendront au deffous des croisées des premiers estages, qui se feront en glacié, & s'écouleront dans les offices & commoditez d'icelles.

Pour le regard des departemens des membres, tant des pavillons que des petits corps, ils sont desseignez sur le plan.

Il se trouue quatre places sur les terraux, entre les pavillons, au deuant des petits corps, à cause de la faillie desdits pavillons, ausquels ie figure & desseigne quatre petits iardins, ou parterres.

Il est vray qu'au liure des soixâtes leçons de perspective, que j'ay fait par cy-deuant, j'ay élevé sur la veüe du costé, vne éléuation respondante à la forme de ceste-cy, mais l'intelligence du plan n'y est point desseignée: ce que j'ay voulu faire en ce volume, pour declarer, amplement la commodité & force en quoy il pourroit se consister.

Les raulins & courtines, avec leurs éléuations du fondement iusques au haut du parappel, reuiennent à mil toises de muraille de quatre à cinq pieds d'epaisseur, sans les faillies du tallut.

Toute la maçonnerie, à prendre du pied du fondement iusques à l'entablement huit toises, compris les trois estages, assavoir celuy des offices, & les deux estages des commoditez avec le galletas, le tout reuient à seize cents cinquante toises.

Les huit petits forts, à prendre du pied du fondement iusques au dessus de l'appuy des terraces six toises, plus les huit demies circonferences éléuées avec les montees, le tout ensemble reuient à huit cents toises.

Les voultés de tout le premier estage des offices, tant des quatre pavillons que des quatre corps en iceux, reuiennent à cinq cents toises.

En l'estage des offices, vne partie pourra seruir de caues & celliers, qu'il ne faudra point pauer ne carreller, l'autre partie seruira de salle commune, de cuisine, sommelierie, fournil, & autres choses dont vne partie se pourra carreller, & les cuisines pauer, & de ce ie n'en ay point fait de calcul.

Le carrelage des trois estages des quatre pavillons, reuiet à sept cents soixâtes toises.

Le carrelage des deux estages des quatre corps, entre les pavillons, reuient à sept vingts dix toises.

La couuerture des quatre pavillons, avec les quatre montees, reuient à quatre cents soixante toises.

Il y a six croisées à chacun estage de pavillon, qui sont douze pour les deux estages: tellement que pour les quatre pavillons ensemble, y aura quarante & huit croisées, non comptés les fenestres donnants iours és offices.

Plus

Plus au galletas de chacun pauillon, y a huit iours couuerts en circonférences: pour les quatre pauillons ensemble y en aura trente & deux.

Plus aux quatre montees, vingt & quatre petites fenestres.


Il y aura huit trauees à chacun estage de pauillon, qui sont seize trauees pour les deux estages d'un chacun, de sorte que pour tous les estages des quatre pauillons ensemble, y aura soixante & quatre trauees.

Plus faut trente & six poutres pour toutes les trauees cy-deuant. Plus les combles, reuenants au nombre des trauees d'un estage, & les quatre petits dosmes des montees.

Il y aura cent huisseries, ou enuiron en tous les estages, du logis.

Il y a pour chacun estage seize cheminees, qui sont trente & deux pour les deux estages, avec huit à l'estage des offices, qui seroient pour tout le lieu, quarante.

XXXVIII.

E bastiment consiste en vn carré de vingt & huit toises de long sur chacun costé, qui sont sept cents quatre vingts quatre toises en superficie, reuenants à demi arpent, demi quartier, huit cordes de terre, & quelque peu d'auantage, sans les faillies, esquelles sont comprinses les escalliers, allees & dosmes.

Ceste place est fermee de fossez, circuisants tout le lieu, & ses faillies selon leur tour. Au milieu est la court de quatorze toises en carré. Sur chacun pan de la court, est vne demie circonference brisée, pour diuersifier la court de son carré, laquelle est fermee de quatre corps de logis, éleuez d'un estage seulement du rez de terre, & le galletas dessus. Au dessous se peuuent faire des offices, desquelles ie n'en fay monstre au desseing, ni compte au calcul de la despenſe. J'ay mis ce bastiment en ce desseing, plus pour plaisir & diuersité, que pour autre chose.

Ce lieu, outre ses bastiments & le fossé, a vneallee de neuf pieds de large, regnant tout autour le logis par le dehors, ayant son appuy & regard sur les fossez.

Pour le regard de la declaration des membres des commoditez du dedans, le plan vous en fait ample demonstration, suyuant aussi la declaration & intelligence que ie vous ay fait par cy-deuant des autres bastiments, par lesquels vous pourrez aisement entendre, tant cestuy, qu'autres plus difficiles.

Sur ce present plan, j'ay éleué deux éléuations geometralement desseignées, l'une de la face du dehors, l'autre de la face du dedans, separee par le milieu, sur la ligne diametrale trauersante.

Outre icelles éléuations, i'en ay desseigné vne de tout le contenu de la masse en perspective sur la veüe du costé, à laquelle se void partie du dehors, & partie du dedans: Et au dessus est desseigné geometralement, en assez grand desseing, l'un des pans de la court, pour vous monſtrer plus amplement l'ordre de l'architecture: les autres se suyuent tous de pareille ordonnance.

Tout ce lieu, comprins les talluts, tant du costé du bastiment que de la contrescarpe, qu'aussi de tout le toisage du lieu, prenant vne toise de fondement seulement, le tout reuiet à deux mil sept cents cinquante toises.

Le carrelage des deux planchers, & l'allee regnante à l'entour le logis, reuiet à sept cents toises.

La couuerture de tous les corps, avec tous les dosmes, reuiet à six cents toises, ou enuiron.

Il y a au premier estage quarante & huit trauees, & vingt & quatre poutres: au second estage y a les combles.

En tout le logis il y a trente & deux croisees, sans les petites veües des dosmes.

En tout le premier estage, il n'y a que treize cheminees, qui ne vouldra faire seruir le galletas de commoditez pareilles à l'estage de dessous, auquel y faudroit autant de cheminees.

Liure d'architecture Pour les champs.

Pour le regard des lucarnes, si on veut faire seruir l'estage dernier en galletas, & y accommoder les membres comme dessous, il y faut vingt & quatre lucarnes: mais n'y faisant que greniers, il n'y faut que quatorze iours en forme de petites lucarnes.

J'ay figuré des petites galleries regnantes au dessus de l'entablement, & la couuerture basse, comme pour seruir de greniers: cela demeurera à discretion & volonté.


Il y a au premier estage enuiron quarante & deux huisseries, & qui voudra faire seruir l'estage d'au dessus en galletas, & y faire les commoditez, il y en faudra enuiron trente.

Vous trouuerez à chacun plan la toise marquée, par laquelle, avec le compas, vous pourrez voir & cognoistre toutes les mesures d'un chacun lieu, tant en particulier que de tout le general.

F I N.


ELEVATION DE TOVT LE CONTE


NY DV LIEV





LE PLAN DE TOVT LE

CONTENV DV CLOS











II



LA FACE DV COSTE DV IARDIN


II



LE ELEVATION


DV BASTIMENT



II






LE PLAN DV BASTIMENT


COVRT






















ELEVATION DE TOVT LE CONTENV DV CLOZ



ELEVATION DV LOGIS DV SEIGNEVR SVR LE IARDIN






ELEVATION DV LOGIS DV SEIGNEVR SVR LA COVRT




LE PLAN DES OFFICES

DV LOGIS DV SEIGNEVR












LE LÉVANTON DE TOIT LE CONTENU D'Y CLOZ




LE PLAN DE TOIT

LE CONTENU D'Y CLOZ








LA MONTEE DV BASTIMENT ET TERRAUX



LE PLAN DV BASTIMENT ET TERRAUX









LE PLAN DE TOVT LE CONTENV
DV LIEV


IX









LELEVATION DETOVT LE CONTE
NVDVLIEN SELON LEPLAN


IX


































LELLVATION DETOVT

LE CONTIENV DA LIEV XIII






XIII

LE DEUXIEME PLAN

LE PREMIER PLAN POUR LES OFFICES







LA MONTEE DV COSTE DV JARDIN



LA MONTEE DV COSTE DE LA COUR








LEVATION GEOMETRALE SVR LA VEVE DE DERRIERE





LEVATION GEOMETRALE SVR LA VEVE DE LENTREE











LA MONTE PAR LA FACE DE L'ENTREE AVEC LES TERRAINS





LE PLAN DE LA MAISON SONT LES OFFICES





































LELEVATION DV BASTIMENT DV COSTE DE LA COURT










LA FACE DV COSTE DV BASTIMENT

PAR LE DEHORS




LA FACE DV CORPS DV BASTIMENT

DEDANS LA COVRT





LE DEUXIEME PLAN POUR LES COMODITES MANABLES





LE PREMIER PLAN



POVR LES OFFICES


























LE PLAN DV LOGIS DV SEIGNEUR AVEC
LA TERRACE



LE PLAN DE TERRE AVEC LES LOGIS
DV SEIGNEUR




LE PLAN GENERAL TANT DE LA MASSE DV CORPS DV CASTELMENT
QUE DE LA BASSE COURT






LELEVATION DE


TOVT LE CONTENV


XXVII













FACÉ DEDANS LA COUR DU
SASTIAENT




LE PLAN DE TOUT LE
ET RAVELINS.

CONTENU DU CLOS




LELEVATION TANT DU BASTIMENT QUE DES COURTIMES ET RAVELINS

XXX




LE PLAN DE TOVT LE CONTENV DANS LE CLOS ET RAVELINS




LA MONTEE DE TOVT
LE CONTENV




L. PLAN DE TOVT
LE CONTENV





LELEVATION DV BASTIMENT
AVEC SON TALLVT ALA QUELLE
SE VEIOT LA PLUS
GRANDE PARTIE DV
CONTENY DES
CORPS


XXXII



LELEVATION DV BASTIMENT COUPPE SVR LA LIGNE TRAVERSANTE
DE LA COVRT





LA FACE GEOMETRALE DV BASTIMENT
ET DE SON TALLVT






LE PLAN DV BASTIMENT

ET DE SON CONTENY




















XXXIII




ELEVATION DV

BASTIMENT



LE PLAN DV

BASTIMENT




SECTION DU BASTIMENT SUR VNE VUE . P A C O U R S I E XXXV




LE ELEVATION TANT DV BASTIMENT QUE DE SON CLOS





LE PLAN DV BASTIMENT ET LE CONTENV DV CLOS






LELEVATION DV LO
GIS DV SEIGNEVR
SVR LA VEVE DV DE
MORS DV CLOS


XXXVI







LELEVATION DE TOVT LE CONTENV
DV CLOZ SVR LA VEVE
DE L'ENTREE


XXXVI



LE PLAN DE TOVT LE CONTENV DV CLOZ









LA MONTEE TANT
DES COURTINES ET

DV BASTIMENT QUE
RAVELINS




LE PLANTANT DV BASTI
NES ET RAVELINS

MENT QUE DES COURTI





L'YRE EST A L'ENDELA COVRT

SELON SON ARCHITECTURE




ELEVATION EN PERSPECTIVE DE TOVT LE CLOZ








ELEVATION GEOMETRALE DV BASTIMENT
COPPE PAR LA LIGNE TRAVERSALE DV
MEILLEU DE LA COURT





ELEVATION EN DESSEIN GEOMETRAL DV BASTIMENT




LE PLAN DV CONTENU
ET FOSSÉS

DV BASTIMENT







RARE 84-B
FOLIO 21870

